

十七史詳節



東萊先生唐書詳節卷之七

列傳

長孫無忌

長孫無忌字輔機性通博涉書史從秦王征討有功累擢比部郎中皇太子建成毒王王病舉府危蹙房玄齡謂無忌曰禍隙已牙敢不旋踵矣夫就大計者道細行周公所以黜管蔡也遂俱入曰王請先事誅之王未許無忌曰大王以愛何如人王曰洛哲文明為子孝為君仁又何讓哉對曰向使洛并弟出得為孝乎塗塵不下得為仁乎大杖避小杖受良有以也王乃遣無忌陰召房柱定計無忌與尉遲敬德討難平之王即位遷吏部尚書以功第一封齊國公○帝以無忌皇后兄春倚日厚進尚書右僕射頗利可汗已盟而政亂請將討之帝顧新敵血吐谷不取為失機取之史信計猶豫蕭瑀曰兼弱攻昧討之使無忌曰今我務戢兵待夷狄至乃可擊使遂弱且不能來我又何求臣謂按甲存信使帝曰善乎取突厥○或言無忌權太盛者帝持表示無忌曰我與公君臣間無少疑使各依所聞不言斯則蔽矣因書示羣臣曰朕子幼無忌於我有大功視之猶子也疏聞親新聞舊之謂不順朕無取焉無忌亦自懼貴且亢遂解僕射道冊司空無忌辭又因高士廉口陳以外戚位三公嫌議者謂天子以私后家帝曰朕任官必以才不才者雖親若襄邑王神符不妄授若才雖仇如魏徵不棄也失緣后兄愛親厚以子女玉帛豈不得以其兼文武兩器朕故相之無忌固辭詔答曰黃帝得力牧為五帝先夏禹得咎繇為三王祖齊桓得管仲為五伯長朕得公道定天下公其無辭○帝又思所與共艱難賴無忌以免作威鳳賦以賜且况其功○帝欲功臣並世襲刺史貞觀十一年乃詔有司朕憑賢佐之力克剪多難肅清萬內蓋時屯共資其力世安專享其利朕所不取刺史右諸侯雖名不同而監統一也無忌等善賞休戚攸挺夷險嘉庸懿績

簡在朕心其改錫土宇用世及之制乃以無忌等為趙州刺史以次凡十有四人無忌等辭曰羣臣披荆
棘事陛下今四海混一臣不顧違左右而使世牧外州與遠徒等帝曰割地封功有欲公等後嗣長為藩
翰而薄山河之誓反為怨望朕亦安可強公土宇邪雖其遂止

范祖禹曰古之法不可用於今猶今之法不可用於古也後世如有王者親親而尊賢務德而愛民慎
擇守令以治郡縣亦足以致太平而興禮樂次何必如古封建乃為盛哉

○太子承乾廢帝欲立晉王未決坐兩儀殿羣臣已罷獨留無忌立輪勸言東宮事固曰我王子一弟未
知所立吾心亡聊即投狀取佩刀自向無忌等擊爭持奪刀授晉王而請帝所欲立帝曰我欲立晉王
無忌曰謹奉詔異議者斬帝復曰公等與我意合天下其謂何答曰王以仁孝聞天下久矣固無其事有
如不同臣負陛下百死於是遂定以無忌為太子太傅同中書門下三品同三品自此始

司馬溫公曰唐太宗不以天下大器私其所愛以杜禍亂之源可謂能遠謀矣

○帝嘗從容問曰朕聞君聖臣直人常苦不自知公宜面攻朕得失無忌曰陛下神武聖文冠卓千古性
與天道非臣等愚所及誠不見有所失帝曰朕冀聞過公等乃相諛悅朕當許公等可否以相規謂高士
廉心術學悟臨亂不易節所乏者骨鯁耳唐儉有辭善和解人酒杯不行江古文發言可意事朕二十年

未嘗一言國家事楊師道性謹審自能無過而情不更事緩急非可倚岑文本敦厚文章論議其所長也
謀常經遠自當不負於物劉洎堅正其言有益不輕然諾於人能自補關馬周敏銳而正評裁人物直道
而行所任皆稱朕意褚遂良硬亮有學術竭誠親於朕若飛鳥依人自如博愛無忌應對機敏善避嫌疑
於古人未有其比總兵攻戰非所善也

范祖禹曰太宗欲聞過而無忌納諫以悅之其罪大矣而太宗論羣臣之得失其言豈皆中於理哉

遂良直道事君犯顏諫諍盡忠無隱王魏之比也而警之飛鳥依人輕侮其臣不恭執甚焉

○二十三年帝疾甚無忌與遂良入受詔願遂良曰我有天下無忌力也爾輔政勿令讒毀者害之○有頃崩太子即位是為高宗帝欲立武昭儀無忌遂良極言不可帝不聽后既立銜之敬宗揣后指言無忌反請逮捕帝遂詔削官爵置于黔州黔音琴卒○初無忌與遂良悉心奉國以天下安危自任故永徽之政有貞觀風帝亦賓禮老臣拱己以聽綱紀設張此兩人維持之力也既二后廢立計不合奸臣陰圖帝暗於聽受卒以屠覆自是政歸武氏幾至亡國○文宗詔曰每覽國史至無忌事未嘗不廢書而歎其以奇

孫鈞為騎氏令

論曰太宗欲功臣世襲刺史自長孫無忌等一十四人皆之國無忌等並以難違帝室其議遂寢夫秦項封建而天下每每不治論者率指秦為作俑者太宗果有意於此謂當經理法度立為一定之制誠可行也行之無疑今則未嘗稽古而議數臣初不顧也又從而罷焉為國因先王之道者乃如是乎愚竊謂太宗之為君大抵好名惟其聰明過人故能造邦於歲月凡治古之威名其自親見之矣口分指反世業祖庸調之法近井田之制矣府衛隱兵寓將之法近卿遂之名矣以至興建學校冠帶百蠻行者不齋糧居者不閉戶刑既措焉而恢然慕古猶遺恨者獨未封建爾於是刺史出襲遽行而旋置之由此觀之太宗苟欲就名爾非有好治之誠也故其為善亦多近於矯揉考之於悠久則本真欲富而不可掩受諫未久而諱拒之意屢形崇儉未久而奉養之欲屢熾以帝王之度卒不能遺一高麗於胸中然則太宗道德多疵而唐之基以不固者良有以也此論不係正史

長孫無忌諫叔

順德太宗時為駁衛將軍以受昧音為有司劾發帝曰順德元勳外戚爵位厚何至以會冒聞乎因賜

帛數十愧切之大理少卿胡演曰順德以賂破法不可赦奈何又賜之帝曰使有恥者得賜甚於獲如不能乃禽獸也殺之何益後召為澤州刺史順德素少檢至是折節為政以嚴明稱先時守長多通餉問順德絕糧無所容遂為良吏前刺史張長貴趙士達占部中腴田數十頃奪之以給貧單坐累還第卒諡曰襄

褚遂良

褚遂良字登善散騎常侍亮子貞觀中累遷起居郎博涉文史工隸楷太宗嘗歎曰虞世南死無與論書者魏徵白見遂良帝令侍書帝方博購王羲之故帖莫能質真偽遂良獨論所出無舛冒者○十五年帝將有事泰山至洛陽星孛大微犯即位遂良諫曰陛下撥亂反正功超古初方告成岱宗而慧輒見此天意有所未合願加詳慮帝悟詔罷封禪○遵謙議大夫兼知起居事帝曰卿記起居大抵人君得觀之否對曰今之起居古之左右史也善惡必記戒人主不為非法未聞天子自觀史也帝曰朕有不善卿必記邪對曰守道不如守官臣職載筆君舉必書劉洎曰使遂良不記天下之人亦記之矣帝曰朕行有三一監前代成敗以為元龜二進善人共成政道三斥遠羣小不受讒言朕能守而勿失亦欲史氏不能言吾惡也

范祖禹曰人君言行誦若日月人皆知之何畏乎史官之記而必自矜之邪劉洎以為天下亦皆記之斯言足以敬其君心而至其臣職矣

○高宗使客訪左右曰今方何事尤急岑文本汎言禮義為急帝以不切未領可遂良曰今四方仰德誰不率者唯太子諸王宜有定分帝曰有是哉朕年五十日以我忘難太子守器而弟友子尚五十人心當念焉自古宗姓無長則傾敗相仍公等為我東賢老保傳之夫情實則非嘉生其令丞府官不得過四

考者為令○帝嘗恠舜造漆器為雕其俎諫者十餘不止小物何必爾耶遂良曰雕琢害力農暴傷女

工奢靡之始危亡之漸也漆器不止必金為之金又不止必玉為之故諫者救其源不使得聞及夫橫流

則無復事矣帝咨美之子時皇子雖幼皆外任都督刺史遂良諫曰昔二漢以郡國參治雜用周制今州

縣率倣秦法而皇子孺年並任刺史陛下誠以至親扞四方雖然刺史民之師帥也得人則下安措失人

則家勞地危極反故漢宣帝曰與我共治惟良二千石乎臣謂皇子未冠者可且留京師教以經學養成

德器然後數遣若東漢明章諸帝友愛子弟雖各有國幼者率留京師訓飭以禮記其世諸王數十百惟

二人以惡敗自餘養和染教皆為善良此前事已驗惟陛下少察帝嘉納○太子承乾廢魏王泰問侍帝

許立為嗣因詔大臣曰秦昨日投我懷中云臣今日始得為陛下子更生之日也臣惟有一子百年後殺

之傳國晉王朕甚情之遂良曰陛下失言安有為天下主而親其愛子授國晉王乎陛下昔以承乾為嗣

復寵愛泰嫡庶不明紛紛至今若必立泰非別置晉王不可帝泣曰我不能即詔長孫無忌與遂良等定

策立晉王為皇太子○時飛雉數集宮中帝問是何祥也遂良曰昔秦文公時有雉子化為雉反童子人雖

鳴陳倉雄鳴南陽雉子曰得雄者王得雌者霸文公遂雄諸侯始為實鷄祠漢光武得其雄起南陽有曰

海陸下本封秦故雄雌並見以告明德帝悅曰人之立身不可以無學遂良所謂多識君子哉○俄授太

子賓客薛延陀請婚帝已納其時復絕之遂良曰信為萬事本百姓所歸故文王許枯骨而不違仲尼去

食存信貴之也是以古人處外實內懷之以德使為易在真不在華失信在彼不在此惟陛下裁幸不納

○帝欲自討遼東遂良固勸無行一不勝師必再興再興為金兵金者勝負不可必帝然可會李勣詆

其計帝意遂決東遂良懼上言臣請擊請身兩京腹心也四境手足也殊裔絕域殆非支體所屬但遣將

付兵翔楮古外反雲翔滿庚唾手可取昔侯君集李靖猶能振高昌無居越反纒突厥陛下止發蹤指

示得歸功聖明帝銳意蕩平不見省○帝寢疾召遂良長孫無忌曰漢武帝寄霍光劉備託諸葛亮朕今委卿矣太子仁孝其盡誠輔之謂太子曰無忌遂良在而毋憂因命遂良草詔○高宗即位拜尚書右僕射帝將立武昭儀召長孫無忌李勣于志宣及遂良入帝曰罪莫大於絕嗣皇后無子今欲立武昭儀謂何遂良曰皇后本名家奉事先帝先帝疾執陛下手語臣曰我兒與婦今付卿且德音在耳陛下何遠忘之皇后無他過不可廢帝不悅翌日復言對曰昭儀昔事先帝身接帷第壯士反今立之奈天下耳目何帝羞默遂良因致笏殿階叩頭流血曰還陛下此笏丐歸田里帝大怒命引出武氏從帷後呼曰何不撲殺此獠撲角反遂良受顧命有罪不加刑會李勣議吳武氏立乃貶歲餘卒

互註以書專家後莫能繼詳見遂良社稷臣一德無二論事懇切詳見

韓瑗

韓瑗字伯玉京兆人父仲良武德初與定律令與音建言周律其屬三千秦漢後約為五日依古則繁請崇寬簡以示惟新於是採闡皇律宜於時者定之終刑部尚書瑗少負節行博學晚更事永徽三年進侍中王后之廢瑗雪泣言曰皇后乃陛下在藩時先帝所娶今無罪輒廢非社稷計不納明日復諫曰王者立后配天地象日月匹夫匹婦尚知相擇况天子乎帝大怒詔引出○褚遂良貶明年瑗上言遂良受先帝顧託一德無二向日論事至誠懇切詎肯令陛下復免乎而廢史冊哉願寬無辜以順眾心帝曰遂良之情朕知之矣宇戾犯上朕責之詎有過耶瑗曰遂良社稷臣蒼蠅點白傳致有罪傳漢書並昔微子既去商以亡張華不死晉不及亂陛下富有四海安於清泰忽驅逐舊臣遂不省察乎帝愈不聽瑗憂憤自表歸田里不報貶振州卒○瑗與遂良相繼死內外以古為諱將二十年帝逸奉天宮御史李善感始上疏極言之時人喜之謂為鳳鳴朝陽

宋濟

宋濟揚州人篤志為文章善議論曉暢特務擢進士貞觀中太子承乾敗太宗問侍臣何以處之濟曰陛下上不失為慈父太子得盡天年則善帝納之○永徽二年帝將以武氏為后濟諫曰王者立后以承宗廟母天下宜擇禮義名家幽閑賢淑者副四海之望稱神祇之意故文王興妲己之化蒙被百姓其福如彼成帝縱欲以婢為后皇統中微其禍如此惟陛下詳察武氏已立不自安○帝從容問取天下所宜濟曰昔齊桓公出遊見老人命之食曰請遺天下食遺以所反下並同遺之衣曰請遺天下衣公曰吾府庫有限安得而給老人曰春不齊農時即有食夏不奪蠶工即有衣由是言之省徭役取天下之宜也於是山東役丁歲別數萬人故濟對及之○坐褚遂良事貶處州刺史龍朔二年突厥入寇濟總兵拒之謂其眾曰吾嘗絀刑罔姓姓右蒙救死今當以身塞責遂不介冑而馳賊沒焉○初濟與高智周郝處俊孫處約四人私相與言志處俊曰願宰天下濟及智周亦然處約曰宰相或不可冀願為通事舍人足矣高智周傳云得為吐納可也後濟領吏部處約始以瀛州書佐入調濟遽注曰如志遂以處約為通事舍人後皆至公輔云○濟父護兒本驍將而濟以學行稱知政事時虞世南子祖祖無才術歷將作少匠許敬宗曰護兒兒作相世南男作匠文武宜有種耶

李義琰弟義琛

李義琰魏州人及進士第補太原尉李勣為都督僚吏憚其威義琰獨敢廷辨曲直勣甚禮之義琰姿體魁秀博學有智識累遷侍郎高宗欲使武后攝國政義琰固爭事得寢帝每顧問必鯁切不回後以疾致仕歸田里公卿以下悉祖餞時人比漢疎廣○從弟義琛擢進士第貞觀中文成公主貢金過盜於岐州主名不立太宗召羣御史至目義琛曰是人神清爽拔可使追捕義琛往數日獲賊帝喜加七階初

義琰使高麗其王據榻召見義琰不拜曰吾天子使可當小國之君奈何偃見我王詞屈為加禮及義琰再使亦坐召之義琰匍匐拜伏時人由是見兄弟優劣

上官儀

上官儀字游韶陝州人工文詞涉貴墳典貞觀初擢進士第遷秘書郎太宗每屬文遣儀視臺冥私未嘗不預○高宗以雍州司士參軍韋絢為殿中侍御史或疑非遽儀曰此野人語耳御史供奉亦墮下接武慶龍遙羽鴟鷂此初豈雍州判佐比乎時以為清言儀工詩其詞綺錯婉媚及貴顯人多效之謂為上官體麟德元年坐梁王忠事下獄死○初武后得志遂牽制帝專威福帝不能堪召儀與議儀曰皇后尊恣海內失望宜廢之以順人心帝使草詔左右奔告后后自訴帝恐后恚乃曰上官儀教我后由是深惡儀至是許敬宗構儀與忠謀大逆后志也自褚遂良等元老大臣相次屠覆公卿莫敢正議獨儀納忠禍又不旋踵由是天下之政歸於后而帝拱手矣

贊曰高宗之不君可與為治耶內牽嬰陰外劫邊言以無忌之親遂良之忠皆顧命大臣一旦誅斥忍而不省反天之綱挽陽之明卒使鳴晨味祚移后家可不哀哉天以女戎間唐而興雖義士仁人抗之以死決不可支然瓊濟義琰儀四子可謂知所守矣噫使長孫不遂江夏害吳王褚不諧死劉洎其威德可少乎高宗永徽初房道受以反誅無忌遂良與江夏王道宗有宿怨誣與道受善道豫州無忌曰朕誠語洎死劉洎事見油律

杜正倫

杜正倫相州人隋世重舉秀才天下不十人而正倫一門三秀才皆高第為世敬羨○太宗素知名表直秦王府文學館貞觀元年魏徵薦其才擢兵部員外郎帝勞曰朕舉賢者非朕獨私以能益百姓也我於

宗姬故人苟無能終不得任卿宜思有以稱吾舉者○俄遽知起居注帝嘗曰朕在朝不敢多言必待有利於民乃出諸口正倫曰臣職左史陛下一言失非止損百姓且筆之書千載累德帝悅○進累中書侍郎與韋挺處世南姚思廉論事稱帝為設宴具召四人者謂曰我聞神農可授以馴然頗有逆鱗撻之者死人君亦有之卿屬送祀吾鱗禱闕失朕莫慮危亡哉思卿至意故舉酒以相樂也○太子監國詔正倫行左庶子帝謂正倫吾兒幼未有就德我嘗物物戒之今當監國不得朝夕見故輟卿於朝以佐太子謹之○它日又言朕年十八猶在人間情偽無不嘗及即位處置有失必待諫乃悟况太子生深宮不及知耶故朕孜孜延進直言卿其以是晚太子冀裨益之出入兩宮與機密以辨治稱後太子稍失道帝語正倫太子數私小人卿可審喻之教而不徙其語我父正倫顯諫無所避太子不從輒道帝語督切太子即表聞帝責曰何滿洩我語對曰聞示不入故以陛下語怖之冀當反善帝怒貶交州都督顯慶元年遷中書令出為橫州刺史卒○正倫與城南諸杜昭穆素遠求同語不許銜之諸杜所居號杜園世傳其地有北氣故世衣冠正倫既執政建言鑿杜園通水以利人既鑿川流如血自是南杜稍不振○正倫工屬文嘗與中書舍人董思恭夜直論文章思恭謂人曰與杜公評文今日覺吾文頓道

高智周

高智周常州晉陵人第進士三遷蘭臺大夫俄拜壽州刺史治尚文雅行部先見諸生質經義及政得失既乃錄訟考耕餉勸墜以為常儀屢勅進中書門下三品固表去位高宗美其概聽之卒諡曰定○智周始與郝處俊來濟孫處約共依江都石仲覽仲覽領產結四人羅因請多語所期處俊曰丈夫惟無任仕至宰相乃可知周濟如之處約曰得為舍人在殿中周旋吐納可也仲覽使相工視之工曰高之責君不及見之來早顯而未顯高晚顯而壽吾聞速登者易顯徐進者少患天道也後濟居吏部處約以瀛州參

軍入調濟曰如志擬通事舍人既仲覽卒而濟等益顯○智周所善將子慎有客嘗視兩人曰高公位極人臣而嗣少弱將侯官不達後且興子慎終達安尉子洙渙皆擢進士洙為尚書左丞渙歷鴻臚卿日本使日本國名嘗遺金帛不納惟取牋一番為書以貽其副洙子鍊渙子鍊又有清白名高氏後無聞

郭正一

郭正一定州人貞觀時由進士第歷中書舍人弘文館學士永隆中高遷秘書少監詔與郭待舉岑長清魏玄同並同中書門下承受進止平章事平章事自正一始真遠中書侍郎執政久明習故事文辭詔敕多出其手○劉審禮與吐蕃戰青海大敗高宗召羣臣問所以制戎正一曰吐蕃曠年梗寇師數出坐費糧貲即移近討則喪威深入則不得其巢穴今上策莫如少募兵且明烽候勿事侵擾須數年之遞必有餘人思戰一舉可破矣帝納之武后時為周興所誣構殺之

崔敦禮

崔敦禮字安上咸陽人涉書傳以節義自將武德中官通事舍人善辭令進止觀者皆悚○太宗拜兵部尚書敦禮通知四夷情偽其少慕蘇武為人故屢使突厥前後建明允會事機永徽中卒

楊弘禮

楊弘禮字履莊隋尚書令素弟之子太宗征遼東拜兵部侍郎駐蹕之役太宗自將討遼因說所率弘禮為駐蹕山故曰駐蹕之役步騎二十四軍跳出賊背所向摧靡帝望其眾袍仗精整人人盡力壯之謂許敬宗曰越公兒郎有故家風封越還遼司農卿○弟弘武少修謹遠西堂侍郎帝嘗讓曰爾在戎司授官多非其才何耶弘武曰臣妾剛悍此其所屬不敢違以諷帝用后言也帝笑不罪弘武無它才特謹慎自守然居職以清簡稱

盧承慶

康承慶字子餘幽州人美儀矩博學高才貞觀初為秦州參軍事太宗偉其辯擢戶部侍郎帝問歷代戶版承慶叙夏商至周隋增損曲折引據詳密帝嗟賞○俄檢校兵部尚書知五品選辭曰選事在尚書臣掌之為出位帝不許曰朕信卿卿何不自信卒諡曰定○承慶典選校百官考有坐漕舟溺者承慶以失所載考中下以示其人無愠也更曰非力所及考中中亦不喜承慶嘉之曰寵辱不榮考中上其能著人善類此從孫藏用

劉祥道

劉祥道字同壽魏州人父林甫武德時為內史舍人與樞密以才稱與蕭瑀等撰定律令著律議萬餘言歷中書吏部侍郎唐沿隋制十一月選集至春停日簿事業有司不及研詰林甫建請四時聽選隨到擬於是官無滯人○始天下初定州府及詔使以赤牒授官至是罷悉集吏部調至萬員林甫隨才銓錄咸以為宜○祥道少襲爵顯慶中為遷吏部知選事乃釐補敝闕上疏陳六事一曰今取士多且濫入流歲千四百多也雜色入流未始銓汰濫也故共捨者善人少惡人多臣謂應雜色而進者切責有司試判為四等一付吏部二付兵部三付主爵四付司勳若坐實當責雖經赦仍配三司不者還本貫則官不難矣二曰內外官一品至九品萬三千四百六十五員大抵三十而仕六十而退取其中數不三十年存者略盡若歲入流五百人則三十年自相充補况三十年外在官猶多不慮共少今入流歲千四百人其倍兩之又停選六七千人復年別新加其類寢廣殆非經久之制古者為官擇人不聞取人多而官少也三曰永徵以來任官者或以善政擢論事者或以單言進而庠序諸生未聞甄異是獎勵之道未周也四曰唐有天下四十年未有舉秀才者請自六品以下至單野番加搜訪無令赫赫之辰斯學遂絕五曰唐虞三載考績黜陟幽明二漢用人亦久其職今任官率四考罷官知秩滿則依去就民知遷徙則依苟且以

去就之官臨苟且之民欲移風振俗烏可得乎請四考進階八考聽選以息邇新送故之舉六曰三省都事主事主書比選補皆取流外有刀筆者雖欲參周士流率以儔類為恥前後相沿遂成故事且振省崇峻王言秘密尚書政本人物所歸專曹史理有未盡宜稍革之以清其選會杜正倫亦言入流者眾為官人故乃詔與祥道參議而執政憚改作又以勳威子進取無它門遂格○稍遷司刑太常伯每覆大獄必歎歎累歎奏決日為再不食詔巡察關內道多振寬滯○麟德初拜右相祥道性審謹居宰相憂不自堪數陳老病丐解乾封元年卒諡曰宣○子齊賢襲爵由侍御史出為晉州司馬帝以其方直專憚之時史興宗從獵苑中言晉州出佳鷄武笑可捕取帝曰齊賢豈捕鷄人耶卿安得以此待之永昌中史為酷吏所陷自經死

李敬玄

李敬玄亳州人該覽羣籍尤善於禮高宗在東宮馬周薦其材召入崇賢館侍讀假中秘書讀之為人峻整然造請不憚寒暑許敬宗頗薦延之○時張仁禮有敬才敬玄委以曹事仁棟為造姓曆狀式銓簿鉗鍵周密敬玄固其法銜綜有序自永徽後選員浸多惟敬玄居職有能稱性強記雖官萬員遇諸道未嘗忘姓氏有未訴者口諭書判參糾及殿累本末無少謬天下伏其明○杭州參軍徐太玄哀其條張惠以職抵罪而惠母老乃詣獄自言與惠偕受誣其罪惠得不死太玄坐免官十年敬玄廉知之擢為鄭州司功采軍後至秘書少監申王師以德行聞其鑿拔率若此咸亨中高進吏部尚書居選部久人多附屬儀鳳元年拜洮河道大總管統兵十八萬與吐蕃戰青海大敗敗楊州長史卒諡曰文憲撰次禮論及它書數十百篇

至註高宗嘗以飛帛賜敬玄曰資敬沃鑿丹誠或至

極佳

劉德威

劉德威徐州人姿貌魁秀有幹略貞觀初應絳州刺史政號廉平百姓立石頌德○入為大理卿太宗問曰比刑網寢密咎安在德威曰在君不在臣下之寬猛視主之好惡律失人考減三失出者減五今坐入者無算坐出者有罪所以吏務深文為自營計非有教使然也帝然其言永徽三年卒德威於閨門友睦為人寬平生所得奉祿以分宗親無留藏○子審禮少喪母為祖母元所養元每疾病必親煮藥嘗而進元曰兄孝通幽顯吾一顧念矣輒問貞觀中歷左統衛郎將事繼母尤謹與弟延景為閨友得祿多資之而妻子執寒苦晏如也再從皆同居合二百口內外無間言○易從累遷彭城長史永昌中為酷吏周興誣搆坐死將刑百姓奔走解衣投之曰為長吏祈福有司平直乃十餘萬當時號孝義劉家及易從以非禍死天下寃之易從審禮子

孫處約

孫處約汝州人貞觀中擢中書舍人高宗即位杜正倫請增舍人員帝曰處約一人足辦我事止不除

正註願為舍人周旋吐納高智周傳

邢文偉

邢文偉潞州人咸亨中應太子與滕承時孝敬罕見宮臣文偉上書曰古者太子既冠則有司過之史虧膳之宰史不書過死之宰不徹膳死之皇帝簡料英俊使佐殿下成就聖德比者謁對稀簡與內人獨居何緣發揮天寶使濟哲文明哉今史既闕官宰得奉職謹守禮經以聞太子答曰幼嗜墳典欲研精極意而未聞將術耽誦致勞比若風塵奉陛下愚者不許強勉加以趨侍朝夕無自專之道屢闕坐朝在廢學結觀尋求請良符宿志自非義均弼諧誰能道此藥石文偉由是益知名後右史缺高宗曰文偉切諫吾

兒此直臣也遂授之○武后時遷弘文館學士后御明堂詔文偉發孝經后問天與帝其稱云何文偉曰
天帝一也制曰郊后稷以配天祀文王於明堂以配上帝奈何而一對曰先儒執論不同昊天及五方總
六天帝后曰帝有六則天不稱稱周矣文偉不得對后曰移風易俗莫善於樂伯牙鼓琴鍾期聽之知意
在山水是人能移風易俗矣何取樂耶文偉曰聖人作樂平人心變風俗末世樂壞則為人所移后喜賜
帛宗秦客抵罪文偉坐所善殿內悻自經死

傳奕

傳奕相州人高祖即位拜太史丞時國制草具多仍隋舊奕謂承亂世之後當有變更乃上言龍紀火官
黃帝廢之咸池六英前禮樂志黃帝作咸池頌項作六英帝嘗作五英竟不相沿禹弗行舜政周弗襲湯禮陸下撥亂反正而官
名律令一用隋舊且懲滯業者吹冷蠶祖稱傷弓之鳥驚曲木况天下久若隋暴安得不新其耳目哉改
正朔易服色變律令革官名功極作樂治終制禮使民知盛德之隆此其時也然官貴簡約夏后官百不
如虞氏五十周三百不如商之百又曰夏有亂政而作禹刑商有亂政而作湯刑周有亂政而作九刑衛
鞅為秦制法增鑿顛抽骨毀烹等六篇始皇為扶書律此史於煩不可不盡是時張道源建言官曹文簿
繁總易政請減之以鈴吏姦公卿舉不為然奕獨是之為眾沮即移不得行○武德七年上疏極詆浮
圖曰西域之法以三塗六道囁愚數庸追既往之罪窺將來之福且生死壽夭本諸自然刑德威福繫之
人主今其徒矜詫皆云由佛五帝三王未有佛法君明臣忠年祚長久至漢明帝始立胡祠然惟西域秦
門自傳其教西晉以上不許中國鬘髮事胡至石符亂華石勒乃弛厥禁主庸臣佞政虛詐短事佛致然
梁武齊曩尤足為戒又上十二論言益痛切帝下其議有司惟道源佐其請蕭瑀曰佛聖人也文仲子曰
也聖人非聖人者無法請誅之奕曰禮始事親終事君而佛逃父出家以匹夫抗天子以繼體悖所親瑀非

出空桑乃尊其言蓋所謂非孝者無親焉不答但合爪曰地獄正為是人設矣帝善弄對○太宗即位嘗問御拒佛法奈何帝曰佛西胡點人爾欺誅夷狄以自神誅音成至入中國而織兒幻夫摸象莊老以文飾之有害國家而無補百姓也帝異之貞觀十三年卒年八十五○弄病未嘗問醫忽酣臥蹶然悟曰吾死矣乎即自誌曰傳弄青山白雲人也以醉死嗚呼遺言戒子六經名教若可習也妖胡之法慎勿為吾死當保弄○弄雖善數然嘗自言其學不可傳又注老子并集晉魏以來與佛議較者為高識篇武德時所改況刻定十二軍號皆詔弄云

呂才

呂才博州人志觀時祖孝孫增損樂律與音家王長通白明達更質難不能決太宗詔侍臣舉善音者溫彥博白才天機絕人聞見一按輒究其妙即詔才參論樂事○帝病陰陽家所傳書多謬偽漢世益拘喪命才與宿學老師刪落煩詭撮可用者括部為五十三篇合舊書四十七凡百篇詔頒天下才之言不甚文要欲殺俗失切時事俾易曉也故刻其三篇卜宅篇詩稱其陰陽書卜洛食近世乃有五姓謂宮商角徵羽也按堪輿經黃帝對天老始言五姓且黃帝時攝姬姜數姓耳後世因官命氏因邑賜族本同末異巨為配宮商徵春秋以陳衛秦為水姓齊鄭宋為火姓或所出之祖所分之星所居之地以著由來非宮商角徵羽相管攝也祿命篇曰漢宋忠實讀識司馬季主曰卜筮者高人祿命以悅人心矜言禍福以規人財王充曰見骨體知命祿見命祿知骨體此則言祿命尚矣推索本原固不其然積善之家必有餘慶豈建祿而後言乎積惡之家必有餘殃豈劫殺而後災乎葬命篇曰經曰葬者藏也欲人之不得見也卜其宅兆而安厝之以是為感慕之所也魂神之宅也是其謀及卜筮庶無後艱斯則備於慎終之禮也後代葬說出於巫史多為妨禁以售其術附喜惡妖至書有百二十家不可法也帝詔造方城圖反教

十七史詳節

卷七

飛騎戰陣圖屢稱旨擢上常承卒

陳子昂

陳子昂字伯玉梓州人父元。世高貴歲飢出粟萬石賑鄉里子昂十八未知書以富家子尚氣決弋博自如他日入鄉校感悔即痛脩。訪文明初。天舉進士時高宗廟將遷梓宮長安於是關中無歲子昂感言東都勝壤可文。可營山陵上書曰。陛下以先帝遺靈方大駕長驅按節西京千乘萬騎何從仰給今景山崇秀北對嵩印右賜汝海祝融太昊之故墟在馬園陵之美復何以加武后奇其才召見金華殿子昂貌柔野少威儀而占對慷慨摧麟臺正字。垂拱初詔問羣臣調元氣當以何道子昂因是勸后興明堂太學即上言臣聞之於師曰元氣天地之始。萬物之祖王政之大端也天地莫大於陰陽萬物莫靈於人王政莫先於安人故人安則陰陽和陰陽和則。大地平天地平則元氣正先王以人之通於天也於是養成羣生順天德使人樂其業甘其食美其服然後。天瑞降地符升風雨時草木茂遂故頤頤廩廩不敢荒寧其書曰百姓昭明協和萬邦黎民於變時雍和之。得也夏商之衰桀紂昏暴陰陽乖行天地震怒山川鬼神發妖見災疾疫大興終以滅亡和之失也迨周文。武創業誠信忠厚加於百姓故成康刑措四十餘年天人方和而幽厲亂常奇虐暴虐詭蹟天地川冢沸鼎。人用慙慙其詩曰昊天不惠降此大戾不先不後為虐為瘵顧不哀哉近隋煬帝恃四海之富鑿渠決河自。伊洛屬之揚州瘞生人之力洩天地之藏中國之難起故身死人手宗廟為墟逆元氣之理也臣觀禍亂之。動天人之際先師之說昭然著明不可欺也陛下舍天地之德日月之明眇然遠思欲求太和此伏義所以。為三皇首也昔者天皇大帝攬元符東封泰山然未建明堂上帝使萬世鴻業闕而不昭殆留此盛德。發揮陛下哉臣謂和元氣睦人倫捨此則無以為也昔黃帝合宮有虞總章兗衡室夏世室皆所以調元。以治陰陽也臣聞明堂有天地之制陰

陽之統二十四氣八風十二月四時五行二十八宿莫不準備宿音王者政失則受政順則祥臣願陛下
為唐恢萬世之業相國南郊建明堂與天下更始聽天下之政躬籍田親蠶以勸農桑養三老五更以教
孝悌明訟恤獄以息淫刑脩文德以止干戈察孝廉以除貪吏臣謂不數替且見太平又言陛下方興大
化而大學久廢大學者政教之地也君臣上下之取則也俎豆揖遜之所興也天子於此得賢臣焉令委
而不論雖欲睦人倫興治綱失之本而求之末不可得也願引胄子使歸大學國家之大務不可廢已○
后召見賜筆札中書省令條上利害子昂對三事其一言九道出大使巡按天下申黜陟求人瘼臣謂計
有未盡也且陛下發使必欲使百姓知天子夙夜憂勤之也羣臣知考績而任之也好暴不逞知將除之
也則莫如擇仁可以恤孤明可以振滯剛不避強禦智足以照奸者然後以為使故輜軒未動而天下翹
然待之矣今有遣使之名無任使之實使愈出天下愈弊徒令百姓治道路送往迎來不見其益也臣願
陛下更選有威重風概為眾推者以使者之禮禮之諄諄戒敕所以出使之意乃授以節自京師及州縣
登拔才良求人瘼宣布上意令若家見而戶曉昔堯舜不下席而化天下蓋黜陟幽明能折衷者陛下知
難得人則不如少出使彼煩數而無益於化是烹小鮮而數撓之矣其二言刺史縣令政教之首宣布德
澤下詔書必待刺史縣令謹宣而奉行之不得其人則妻棄有司掛墻壁耳百姓安得知之一州得才刺
史十萬戶賴其福得不才則十萬戶受其困國家興衰在此職也今吏部調縣令如補一尉但計資考不
求賢良有如不次用人則天下囂然相謗矣狃於常而不變也故庸人皆任縣令教化之陵遲顧不公哉
其三言天下有危機禍福因之而生機靜則有福動則有禍百姓安則樂生不安則輕生者是也今軍旅
之弊死亡流離略盡尚賴陛下憫其失職凡兵戍調發一切罷之使人得相保可謂能靜其機也然臣恐
將相有貪夷狄利以廣地疆武說陛下者欲動其機機動則禍構宜脩文德去刑罰勸農桑以息疲民望

表知中國有聖王必累譯至矣○時吐蕃九姓叛詔田揚名發金山道十姓兵十人五之智及及計之十
 姓君長以三萬騎戰有功遂請入朝后責其常不奉命擅破回紇不聽子昂上疏曰國家能制十姓者錄
 九姓強大臣服中國故勢微弱委命下吏今拒而遣還不使入朝恐非羈戎之長策也夫戎有鳥獸心親
 之則順疑之則亂今阻其善意則依不亡安鳥賊狼顧則河西諸蕃自此拒命矣其後吐蕃果入寇終后
 世為邊患最甚○后方謀開蜀山由雅州道剪生羌因以龔吐蕃子昂上書以七驗諫止之后復召見使
 論為政之要適時不使者毋援上古角空言子昂乃奏八科一措刑二官人三知賢四去疑五招諫六勤
 賞七息兵八安宗子其大權古岳反謂今百度已備但刑急網密非為政之要蓋刑以禁亂亂靜而刑息不
 為承平設也太平之人樂德而惡刑刑之所加人必慘怛故聖人貴措刑也比大赦滌湯重罪天下蒙慶
 感得自新近日詔獄稍滋鉤捕友黨株蔓推窮以抵慘刻宜廣愷悌之道救法慎罰省白誣寬此太平安
 人之務也官人惟賢政所以治若陛下好賢而不能任任而不能信信而不能終終而不能賞雖有賢人
 終不肯至反是則天下之賢集矣諫者乃云賢不可知人不易識臣以為周易知困易識夫尚德行者無
 凶險務公正者無邪朋原者憎貪信者疾偽猶鷹隼不接翼董猶不共氣其理自然何者以德並凶勢不
 相入以正攻邪勢不相利以廉勸貪勢不相售以信質偽勢不相和智者尚謀愚者所不聽勇者徇死怯
 者所不從此趨向之反也賢人未嘗不思効用賴無其類則難進是以湮汨於時誠能信任俊良知左右
 有灼然賢行者賜之尊爵厚祿使以類相舉則天下之理得矣陛下知得賢須任今未能者蓋以常信任
 者不效以是疑於信賢臣固不然昔人有以一噓而得病乃欲絕食不知食絕而身頃賢人於國猶食在
 人人不可以一噓而止餐國不可以一替而遠正士此神鑿所知也聖人大德在能納諫太宗德參三
 王而能容魏徵之直今誠有敢諫骨鯁之臣陛下廣延順納以新威德則萬世有迷臣聞勞臣不賞不可

勸功死士不實不可勸勇今或勸勞死難名爵不及偷學尸祿竊秩妄加非所以表厲勵行者也願表顯
徇節勵勉百僚古之賞一人千萬人悅者蓋云當也今事之最大者憲兵甲歲興賦役不省興師十萬則
百萬之家不得安業願審量損益計利害則人安矣虺賊干紀自取屠滅罪止魁逆無復緣坐宗室子弟
皆得更生使知天子慈仁下得自安臣聞人情不能自明則疑疑則懼懼則罪生惟賜惶悌之德使居無
過之地○遼右衛曹參軍后既稱皇帝改號周子昂上周受命頌以媚悅后雖數召見問政事論亦諱
切許許孟反子語故奏聞輒罷聖曆初縣令段簡貪暴聞其富欲害子昂捕送獄死○唐興文章承徐庾餘風天
下祖高子昂始變雅正初為感遇詩王通曰是為海內文宗乃請交子昂所論著世以為法

論曰過諸武二張之勢子昂固優為之論周興來俊臣曲之子昂固優為之然一旦逢怒死於不道之
法刑孰若以王善示之庶天凶改為之少衰此子昂之心而史或不之知也以明堂者王政之所由天
道有焉學校者禮義之所關人倫下焉勸后立明堂興太學使之晚中和養育之象則后之殺不邪心
不至於甚之且世之武夫忍人弗逆酉正一見人者之狀不覺以手加額而良心油然而生子昂不言
殆于是矣

互註方外十文陸天

唐仁

贊曰子昂說武后興明堂太學其言甚高殊可怪笑后竊威柄誅大臣宗室脅逼長君而奪之權子昂
乃以王者之術勉之卒為婦人訕侮不用可謂屬主壁於房聞以脂澤汙漫之也替者不見泰山聳者
不聞震虜子昂之言其聳聳歟

劉仁軌

劉仁軌字正則汴州人少好學值亂不能安業每動止畫地書空以寓所習卒以通博聞武德初為陳倉

尉部人折衝都尉魯靈者豪縱狠法縣莫敢屈仁軌約不再犯而靈暴橫自如仁軌榜殺之此五州以反控也

開太宗曰尉而殺吾折衝可乎召詰責仁軌曰靈辱臣臣故殺之帝以為剛正擢咸陽丞貞觀十四年校

獵同州校戶救反漢者注云校謂以木自相貫穿為闕以避命數而獵取也時秋飲未訖仁軌諫曰今茲百穀熾茂收纔十二使場圃畢勞

陛下六飛徐驅公私交泰靈書獲約○累連給事中初蘇定方既平百濟留劉仁願守其城百濟故將福

信引兵圍仁願詔仁軌兵為援仁軌將兵嚴整轉關陷陣所向無前信等釋仁願圍退保任命城時定方

伐高麗圍平壤不充高宗詔仁軌拔軍就新羅與金法敏議去留計將士咸欲還仁軌曰今天子欲滅高

麗先誅百濟留兵鎮守制其心腹擊豎跳梁士力未完宜厲兵秣馬乘無備擊不意百下百戰全勝之日

開張形勢騰激濟師聲援接虜亡矣今平壤不勝熊津又拔則百濟之燼復炎高麗之滅無期吾等雖入

新羅正似坐客有不如志悔可得邪扶餘豐積貳表舍內據勢不支久宜堅守伺變以圖之不可輕動眾

從其議乃請益兵會詔遣右威衛將軍孫仁師率軍浮海而至士氣振於是四戰皆克百濟餘黨悉平仁

師等振旅還詔留仁軌統兵鎮守百濟葺復戶版開道路賑貧貸乏勸課耕種為立官社民皆安其所遂

營屯田以經略高麗先是貞觀永徽中士戰歿者皆詔使吊祭或以贈官推授子弟顯慶後討伐恩賞殆

絕及破百濟平高麗有功者皆不甄敘州縣購募不願行仁軌具論其弊請加慰養以鼓士心時劉仁願

為單列道總管詔率兵度海使代舊屯與仁軌俱還仁軌曰上巡狩方嶽又經略高麗方農時而吏與兵

悉被代新至者未習萬一變夷生變誰與捍之不如留舊兵未可去仁願曰吾但知準詔耳仁軌曰苟利

國家知無不為臣之節也因陳便宜願留屯詔可由是以仁願為不忠○始仁軌任帶方州謂人曰天將

富貴此翁耶方請所頒屠及宗廟諱或問其故答曰常刺平達海嶺示本朝正朔卒皆如言及封泰山仁

軌乃率新羅百濟僑羅倭四國酋長赴會天子大悅○總章元年剽李勣討高麗平之咸亨五年為鷄林

州

道大總管東伐新羅罷之進爵為公子及兄子受上柱國者三人州堂榮之號所居為樂城鄉三柱里武后臨朝拜左僕射卒○仁軌雖貴顯不自矜踞接舊故如布衣時嘗為御史袁真其式所劾慢辱之帝使引決及拜大司憲異式不自安因醉以情自解仁軌持觴曰所不與公者有如此觴後既執政為司元大夫然官由州縣至宰相善致聲譽得吏下歡心

互註說解事僕射

敬生
格律

裴行儉

裴行儉字守約絳州聞喜人貞觀中舉明經時蘇定方為大將軍謂曰吾用兵世無可教者今子也暨乃盡界以術○高宗將立武昭儀行儉以為國家憂從此始麟德二年擢累安西都護西域諸國多慕義歸附○遷吏部侍郎與李敬玄馬載同典選有能名時號裴馬行儉始設長名榜銓注等法又定州縣升降資擬高下為故事○儀鳳二年十姓可汗阿史那都支及李遮旬誘善落以動安西與吐蕃連和朝廷欲討之行儉議曰今波斯王死其子質京師有如遣使立之即路出二蕃若權以制事可不勞而功也帝因詔行儉冊送波斯王且為安撫大會使極莫質延碩風磔畫軍道者送將士飢乏之行儉止營致祭令曰水泉非遠眾少安俄而雲徹風恬行數百步水草豐美後來者莫識其處眾皆驚以方漢貳師將軍至西州誘善鄰迎行儉召豪傑千餘人自隨揚言大熱未可以進宜駐軍須秋都支規知之不設備行儉徐召四鎮酋長行儉偽約畋乃陰勒部伍數日倍道而進去都支帳十餘里先遣其所親問安否外若闕暇非討襲者又遣人趣召都支都支聞軍至倉卒不知所出率子弟五百餘人詣營謁遂禽之遮旬乃降悉俘至京師將吏為刻石碑葉城以紀功帝親勞宴曰行儉提孤軍深入萬里兵不血刃而叛黨禽夷可謂文武兼備矣其兼授二職即拜禮部尚書兼右衛大將軍○調露元年

高宗

突厥阿史德溫傅反詔行儉討之行

儉曰以謀制敵可也因詐為糧車三百乘車伏壯士五輩齋陌刀勁弩以羸兵掩進又伏精兵踵其後虜果掠去羸兵走險賊驅就水草解鞍牧馬方取糧車中而壯士突出伏兵至殺獲幾盡自是糧車無敢近者大軍次單于北暮已立營壘塚既周行儉更命徒營高固吏白士安堵不可擾不聽促徒之比夜風雨暴至前占營所水深丈餘眾莫不駭數問何以知之行儉曰自今第如我節制毋問我所以知也行儉縱兵前後殺虜不勝計又禽大首領奉職而還○阿史那伏念復與溫傳合行儉縱反問伏念懼請縛傳自效後數日煙塵漲天而南斤侯惶駭行儉曰此伏念執溫傳來降非他也且受降如受敵乃救嚴備遣軍使往勞既已果然於是突厥餘黨悉平初行儉許伏念以不死侍中裴炎害其功斬伏念及溫傳行儉之功不錄歎曰渾濬之事古今恥之王崇曰晉伐吳王渾濬孫皓不迎王渾濬但恐殺降則復無復來矣遂稱疾不出卒諡曰獻○行儉工草隸名家帝嘗以絹素詔寫文讓覽之秘愛其法行儉每曰褚遂良非精筆佳墨未嘗輒書不擇筆墨而研提者余與世南耳所撰選講草字雜體數萬言行儉通陰曆術每戰豫道勝日○善知人在吏部時見蘇味道王勣其妹謂曰二君後皆掌銓衡李敬玄感稱王勃楊炯心盧照鄰駱賓王之才行儉曰士之致遠先器識後文藝如勃等雖有才而浮躁銜露享福祿者哉炯頗沈默可至令長餘皆不得其死所引偏裨若程格挺等為世名將○初平都支逾旬獲環寶不貲有碼碼莫下反廣二尺文彩繁然軍吏趨跌盤碎惶怖叩頭流血行儉笑曰爾非故也何至是色不少吝

裴光廷行儉子

光廷字達城擢鴻臚少卿性靜默寡交游玄宗有事岱宗張說以天子東巡京師空虛恐夷狄乘間竊發議欲加兵守邊召光廷與謀對曰封禪者所以告成功也夫成功者德無不被人無不安萬國無不依今將告成而懼夷狄非昭德也大興力役用備不虞非安人也方謀會同而阻戍心非依遠也此三者名實

乘矣且諸蕃突厥為大贊幣往來頓修和好有年矣若遣一使召其大臣使赴行在必欣然應命突厥受詔則諸蕃君長必相率而來我德鎮息鼓不復事矣說曰善吾所不及因奏用其策突厥果遣使來朝東封還拜同中書門下平章事○初知星者言上象變不利大臣請禳之光廷曰使禍可攘而去則福可視而來也論者以為知命卒贈太師○初吏部求尺不以資考為限所獎拔惟其才往往亦得俊又任之士亦自奮其後士人振衆專務趨競銓品枉撓光廷懲之因行檢長名榜乃為循資格無賢不肖一據資考配選又促選限盡正月任門下省主事聞麟之專主過官凡麟之裁定光廷輒然可時語曰麟之口光廷手素與蕭嵩輕重不平及卒嵩奏一切罷之光廷所引盡斥外官博士孫琬以其用循資格非獎勵之誼諡曰克平時以為希嵩意帝聞特賜諡曰忠憲詔中書令張九齡文其碑

婁師德

婁師德字宗仁鄭州人第進士調江都尉揚州長史盧承業異之曰子台輔器也當以子孫相誼女志反詎論僚吏哉○上元初高奉使吐蕃其首領論贊婆等王坐曰吐蕃俗謂強雄曰贊夫大曰番故號也嶺操牛酒迎勞師德喻國威信開陳利害虜為畏悅後募猛士討土蕃乃自奮戴紅抹額來應詔與虜戰白水澗八遇八克天授初檢校豐州都督衣皮袴半士屯田積穀百萬兵以餽給無轉餽和親之費進同鳳閣鸞臺平章事卒諡曰貞師德深沈有度量人有忤己輒避以自免不見容色嘗與李昭德偕行師德素豐碩不能遠步昭德遲之志曰為田舍子所留師德曰吾不田舍復在何人○其弟守代州辭之官教之耐事弟曰人有唾面潔之乃已師德曰未也潔之是違其怒正使自乾耳○在夏官注選選者就按閱簿師德曰容我擇之可乎選者不去乃灑筆曰墨污爾○狄仁傑未輔政師德屬之及同列數擠令外使武后覺問仁傑曰師德賢乎對曰為將謹守賢則不知也又問知人乎對曰臣嘗同僚未聞其知人也

后曰朕用卿師德薦也誠知人矣出其奏仁傑慙已而歎曰妻公威德我為所容乃不知吾不逮遠矣雖邊要為將相三十年恭勤懷忠心無適莫方酷吏殘鷲人多不免獨能以功名始終與部處俊相亞世之言長者稱要部

論曰武后意在革命醜孽臣之奇譎用酷吏之苛法當時之士共以摧孽臣沮酷吏為名並爭鼎鑊而赴之師德此時未嘗一語及之也舍垢耐辱至於再失諸武二張兒曹爾周興來俊臣鼠輩備度量凝然殊不芥滯使武后猜聞不生尊敬嗟仰之不暇而狄梁公為行矣師德平生所為薦梁公一事耳太子復位張柬之為相而唐祚再興梁公力也然則師德之功豈小哉議者徒謂其無晚晚之辯顯顯之跡指為克謹善辟名者曷知丈夫君子所不為流俗之耳目者

互註袁客師嘗渡江俄一跛男子負直就舟客師曰貴人在吾可以濟跛男子乃妻師德也在大天切傳贊曰仁軌等以兵開定四夷其勇無前至奉上則瞿瞿若不及遇反行儉臨下以怒師德寬厚其能以功名始終者蓋近乎勇於敢則殺勇於不敢則活者耶

崔神慶

崔神慶舉明經武后時拜并州長史有詔改錢幣法州縣布下俄而物價踊昂百曹驚擾神慶實其非於朝果蒙清妾為之○時突厥使者入見皇太子應朝有司移文東宮召太子神慶諫曰古者召太子用玉契此誠重慎防萌之意今太子非朝朔望而別喚者請降墨敕玉契詔可○恩司刑卿劾張昌宗獄閔略不盡流欽州卒

崔琳 神慶子

琳明政事開元中與高舒仲同為中書舍人侍中宋璟親禮之每所訪逮嘗曰古事問仲舒今事問琳尚

何疑乎潘肅聞之泣然曰古遺愛也○子嚴諫議大夫其羣從數十人自興寧里謁大明宮冠蓋駟相望每歲時宴於家以一榻置笏猶重積其上琳與弟珪瑤俱列榮戟榮音做有衣戟曰榮一說形亦戟有衣世號三戟崔家○初玄宗每命相皆先書其名一日書琳等名覆以金甌會太子入帝謂曰此宰相名若自意之誰乎太子曰非崔琳虛從厚乎帝曰然時兩人有宰相望帝欲相之數矣以族大恐附難者及卒不用

楊再思

楊再思鄭州人第明經為人佞而智初調左武尉使至京師舍逆旅有盜竊其衣囊再思遇之盜窘謝再思曰而苦貧故至此囊中機軸所事幸留它物可持去初不為人言但假貸以還○延載初刑居宰相十餘年阿諛取容合反若無所薦達人主所不喜毀之所善譽之畏慎足恭選反未嘗忤物或曰公位尊何自屈折答曰世路孔艱直者先禍不爾豈全吾軀○於時水沴閉坊門以穰再思入朝有車陷於澁者澁乃此牛不前志曰癡宰相不能和陰陽遣我艱於行再思遣吏謂曰汝牛自鈞不得獨責宰相○張昌宗坐事桓彥範劾免其官武后意中釋之問宰相昌宗於國有功乎再思曰昌宗為陛下治丹餌而愈此為有功后悅昌宗還官自是天下貴彥範賤再思誠言賦兩脚孤以識之○易之兄司徒詩公卿宴酒酣戲曰公面似高麗再思欣然翦髮綴巾上反披紫袍為高麗舞舉動合節滿坐鄰笑昌宗以姿貌倖再思每曰人言六郎似蓮花非也正謂蓮華似六郎耳其巧使無恥類此

竇懷貞

竇懷貞字從一左相德玄子少詭激衣服贏儉不為與馬蒙修事神龍中進左御史大夫中宗謂曰聞卿喪妻今欲繼室可乎懷貞唯唯以水俄而禁中有衣翟衣出者乃皇后乳媪所謂荳園夫人者故蠻婢也納之不辭世謂媼婿為阿翁正人下反懷貞每謁見奏請輒自署皇后阿翁而人或謂為國者軒然不慙

以自媚於后○景雲初^諸速侍中方太平公主干政懷貞傾已附離睿宗為金仙玉真二公主營觀懷貞躬護役作族弟諫曰公位上宸當思獻可替否輔天子而計較瓦木雜廁工匠間使海內何所瞻仰乎不答督繕益急時語曰前作后國者後為主邑丞言事公主如邑官屬也玄宗受內禪與太平公主謀逆投水死○性詭詐善諧結權貴宦者用事尤所畏奉或見無賴者誤為之禮

宗楚客

宗楚客字叔敬蒲州人及進士第神龍初同中書門下三品韋后安樂公主親賴之與紀處訥為黨世號宗紀○景龍二年詔突厥婆葛為金河郡王而其部闕噉忠節賂楚客等龍之婆葛怒將兵患邊監察御史崔琬廷奏楚客處訥專威福納境外交為國取怨請收付獄故事大臣為御史對仗彈劾必趨出立朝堂侍罪楚客乃厲色大言性忠鯁為琬誣詆中宗不能窮也詔琬與楚客處訥約兄弟兩解之故世號帝為和事天子韋氏敗被誅○楚客性明達冒於權利嘗諷右補闕趙延禧陳符命以媚帝帝大喜識者以楚客等欺神誣君且有大事又嘗密語其黨曰始吾在卑位尤愛宰相及居之又思天子南面一日足矣外附韋氏內畜逆謀故卒以敗

祝欽明

祝欽明字文思京兆人擢明經永淳天授間^{高宗}中英才傑出業與六經等科中宗在東宮欽明兼侍讀授太子經○景龍三年^{中宗}天子將郊欽明與郭山暉陰迎韋后意謬立議曰周官凡大祭祀后裸獻則贊瑤爵然則后當助天子祀天神祭地祇帝用其言以皇后為亞獻○初后屬婚上食禁中帝與羣臣宴欽明自言能八風舞體肥醜據地搖頭眈目^{不曰下戶板反大目也}左右顧盼帝大笑盧藏用數曰是舉五經掃地矣○景雲初^睿倪若水劾奏欽明腐儒無行以詔佞亂常改作百王所傳一朝墮放請斥遠之乃貶欽明鏡

州刺史○欽明於五經為該淹自見坐不孝免王傑曰中宗時程位部尚書以無以深被逐曰被夫乃阿附韋氏國再冊又坐是見逐諸儒共羞之

贊曰欽明以經授中宗為朝大儒乃詭聖僻說引豔妻郊見上帝程德播聞享昨不終蓋與少正卯順非而澤莊周以詩書破冢者同科獨保腰領死家善善音責恻盜不害邪後之託儒為惡者可少戒云

王與

王與方慶六世孫少為檀家學玄宗在位久推崇老子道好神仙事與請築壇東郊祀青帝專以祠解中帝意有所獲被大抵類巫覡並曰胡狄反男漢以來華喪皆有糜錢後世里俗稍以紙寫錢為鬼事至是與乃用之肅宗立又以祠禱見寵拜中書門下平章事始與託鬼神致位將相當將以左道進者紛紛出焉

諸夷蕃將

史大素

史大素本西突厥特勒也突厥謂其子弟曰特勒高祖與太原大素提其及建康下秦頡和藏飲馬泉飲於諸軍却大素以勁騎數百輩擊頡和破之軍遂振授光祿大夫從秦王平許舉王世充竇建德劉黑闥功殊等封實國公

馮盎

馮盎字明達高州人本北燕馮弘裔孫隋仁壽初湖成等五州緣坂盎請討之文帝詔楊素與論賊形勢素奇之曰不意蠻夷中乃生是人即詔盎發江嶺兵擊賊平之隋亡奔嶺表武德五年始以地降封越國公○貞觀初或告盎叛太宗將討之魏徵諫曰王者兵不宜為蠻夷動勝之不武不勝為辱且盎不及未

定時略州縣搖遠夷今四海已平尚何事反未狀當懷之以德蓋懼必自來帝乃遣韋叔諧諭蓋蓋遣智戴入侍帝曰微一言賢於十萬眾五年蓋來朝俄而羅實諸洞獠叛詔為蓋諸軍先鋒蓋持弩語左右曰矢盡勝負可知發七矢斃七人賊退走蓋縱兵乘之斬首千餘級○善為治聞薄最適奸伏得民懼心卒贈荊州都督遷左駙衛將軍

阿史那社余

阿史那社余突厥處羅可汗之次子年十一以智勇聞拜拓設處羅卒良毀如禮治眾十年無謀飲或勸厚賦以自奉答曰部落豐餘於我足矣○貞觀十年入朝授左駙衛大將軍尚公主十四年以交河道行軍總管平高昌諸將受賞社余以未奉詔秋意不敢取見別詔然後受之所取皆老弱陳樊太宗美其廉封畢國公從征遼東中流矢擢去復戰據乙也反所部會屬皆有功二十一年與契苾何力郭孝恪等五將軍討龜茲擊處密處真敗之入自焉耆西兵出不意龜茲震恐進屯磧石社余因拔都城王據險自固社余攻凡四十日禽其王并下五大城遣權祗甫徇諸酋長示禍福降者七十餘城宣諭威信莫不數服刻石紀功而還因說於閼王入朝王獻馬畜三百餘頭西突厥焉耆安國皆爭犒師孝恪之在軍牀帷器用多飾金玉以遺社余社余不受帝聞口二將優劣不復問人矣永徽六年卒

契苾何力

契苾何力鐵勒莫賀可汗之孫貞觀六年率眾內屬擢左領軍將軍九年與李大亮薛萬均等討吐谷渾萬均率騎先進為賊所包何力冒圍奮擊虜披靡去萬均恥名出其下乃排何力及還何力具言萬均敗狀帝怒將解其官授何力何力曰以臣解萬均官恐四夷聞者謂陛下重夷輕漢則誣告益多又夷狄無知謂漢將皆然非示遠之義帝重其言乃止○始何力母與弟在涼州十六年詔何力往視母薛延陀毗

何可汗方強乃脅其母弟使從何力曰我義許國不可行眾執之至毗伽牙下何力箕踞拔佩刀東向呼曰有唐烈士受辱賊延耶天地日月臨鑿吾志即割左耳誓不屈毗伽怒欲殺之其妻諫乃止何力被執也或讒之曰何力入延陀如涸魚得水其腹必遠帝曰若人心如鐵石殆不肯我會使至言服帝泣下即詔許延陀尚主國求何力乃得還公主行有日何力陳不可帝曰天子無戲言既許之奈何何力曰禮有親迎願應宜詔毗伽身到京師或詣靈武彼畏我必不來則姻不成而憂憤不知所出必攜貳不及一年交相疑沮毗伽素狼戾必死死則二子爭國內叛外攜不戰而禽矣帝然之後如其策○帝征高麗詔何力為前軍總管次白崖城中賊積色角創其城拔得刺何力者使自殺之辭曰彼為其主冒白刃以刺臣此義士也犬馬猶報其養況於人乎卒捨之進大將軍徙封涼亭諡曰毅○始龍朔中梁傭仁新作大明宮植白楊於庭示何力曰此木易成不數年可庇何力不答但誦白楊多悲風蕭蕭愁殺人之句伯仁驚悟更植以桐

黑齒常之

黑齒常之百濟西部人長七尺餘貌毅有謀略高宗遣使招諭乃詣劉仁軌降邊左領軍員外將軍從李徽玄擊吐蕃常之夜率敢死士五百人掩其營殺掠數百人賊軍走帝數其才調遣中吐蕃入寇常之引精騎三千夜襲其軍斬首二千級贊婆單騎去即拜河湟道經略大使因建言河源常賊術宜增兵鎮守而運饌須廣乃斥地置烽七十所墾田五千頃歲收粟斛百餘萬兩是食行士精戍邊有備凡壯軍七年吐蕃備畏不敢盜邊後周興等誣其反捕繫獄投繯死人哀其枉

李多祚

李多祚其先鞞鷄酋長鞞音木鷄音昌後入中國至多祚號勇善射張柬之將誅二張以多祚素感慨可動以義

乃從容謂曰將軍擊鍾鼎食貴重當世非大帝恩乎大帝謂多祚泣數行下曰死且不忘東之曰將軍知感恩則知所以報今在東宮乃大帝子孽孽擅朝危逼宗社國家興亡在將軍將軍誠有意乎答曰荷蒙王靈惟公所使乃引天地以自誓辭氣毅然東之遂定謀以敬暉李湛總禁兵與多祚王同故請太子至玄武門斬關入及長生殿白武后曰諸將謀逆臣易之昌宗恐漏大謀不敢豫奏后病卧願湛曰我於而父子不薄亦豫是耶中宗復位封多祚遼陽郡王○帝祠太廟特詔多祚與相王登與夾侍監察御史王親謂多祚為人雖有功不宜共與皇帝曰朕推以心腹卿勿復言節愍太子誅武三思多祚率兵先至玄武樓下具言所以誅三思狀按兵不戰為其下所殺籍沒其家

贊曰夷狄性悖固其能知義所在者驚挺不可違蓋巧不足而諒常有餘觀大索等事君皆一具志無有願望用能功績光明為天子倚信至渾瑊古成跌跌上吳反下徒反吳光顏輩列垂無窮惟其諒有餘故也瑊光顏自有傳今類其人著之篇已上係諸

郭孝恪

郭孝恪許州人少有奇節不治貨產陷亂率少年數百附李密密喜謂曰世言汝穎多奇士不謬也○竇建德之援洛也孝恪上謁秦王進計曰王世充力竭計窮其面縛可跂足待建德悉眾遠來糧餉阻絕殆天亡時也若固守武牢以軍汜水汜水在武牢計逐機應變禽珍必矣王然之賊平語諸將曰孝恪策禽賊功在諸君石達上柱國貞觀十六年改安西都護孝恪推誠撫御盡得其歡心○俄拜崑丘道副大總管討龜茲破其國城龜茲國相那利遁去孝恪以餘部未平出營於外國人有謂孝恪曰那利素得士心今亡在外勢必為變城中頗有異志願公備之孝恪忽其言不設備那利果率眾陰與城內胡相應薄城鼓譟始覺之乃率千餘人合戰城中舉應那利孝恪殊死聞中流矢卒

張儉

張儉字師約京兆人高祖起儉以功遷朔州刺史教民營田歲收穀數萬斛雖霜旱勸百姓相賑贖州以完安○李靖既平突厥有思結部者窮歸於儉儉受而安葬之其在嶺北者親戚私相過者儉不禁示羈縻而已儉徙勝州後將不察其然遽奏思結叛儉以為使者無納之儉單騎入其部召酋帥慰諭推腹心咸旬旬歸命○徙代州都督儉勸墾田力耕歲數稔私蓄富實儉慮易驕乃建平糶法入之官虜悅喜由是儲斛流贏○拜營州都督太宗將征遼東拜行軍總管領諸蕃騎為六軍前鋒時高麗侯者言莫羅支且至帝詔儉自新城路邀擊虜不敢出儉趨建安城破賊斬數千級封皖城公皖呼後卒諡曰密○儉兄太師太僕卿弟延師左衛大將軍性謹畏典羽林兵三十年未嘗有過兄弟三人門皆立戟時號三戟張家

王方翼

王方翼字仲翔并州人早孤哀毀如成人時號孝童母居鳳泉墅永與方翼高幼稚雜庸保執苦不棄日墾田植樹煒松丸墨為富家高宗立調安定令誅滅大姓奸豪魯息魯與其友趙持滿誅死尸諸道親戚莫敢視方翼曰樂布哭彭越義也周文王掩骼占伯仁也絕友義敵主仁何以事君遂往哭其尸具禮葬○唐肅州刺史烽通精明河西蝗獨不至方翼境而他郡民或餓死皆重繭走方翼治下全活甚眾芝產其地○永淳初宗十姓阿史那圍弓月城方翼引軍戰俄而兵十萬踵至方翼遣戰矢著臂引佩刀斷去左右莫知會大風雖金鼓而號誨無聞者譚火遂殺七千人賊皆驚潰西戎震服○初方翼次葛水暴漲師不可度沈祭以禱師涉而濟又七月次葉河無舟而冰一晉合諸本並時以為祥○西域平邊夏州都督屬牛疫民廢田作方翼為耦耕法張機鉞巨健力省而見功多百姓順賴○阿史那元琛入寇詔進擊時

庫無完鎧方翼衝六板畫虎文鉤聯解合賊馬忽見奔駭遂敗曰降桑乾舍利二部○武后時因程務挺被殺并坐流崖州卒於道○子珣與兄瓌弟瑄以文學稱時號三王方翼善書與瓌叔瓌齊名

蘇烈

蘇烈字定方以字行冀州人驍悍有氣決年十五從父戰數先登陷陣自是賊不入境鄉黨賴之貞觀初僕季請襲頡利於磧口為前鋒乘露行去賊一里許露霽見牙帳馳殺數十百人餘黨悉降與程名振討高麗破之從程知節征賀魯率精騎馳搗賊營賊衆大潰所棄鎧仗牛馬藉藉山野不可計副總管王支度疾其功矯制收軍不深定方說知節曰天子詔討賊今反自守何功之立哉且公為大將而闕外之事不得專顧副將乃得專之理不其然胡不因文度待天子命不從至恒駕城有胡人降文度殺之取其資及分財定方一不取太宗知之比知節等還悉下史○擢定方伊麗道行軍大總管復征賀魯遂勒兵進縛賀魯以還由是備亭障列蹊隧定疆畛問疾收愆反疾知唐之州縣括西海矣高宗臨軒定方戎服奉賀魯以獻策功拜左驍衛大將軍邢國公○會都曼復叛詔定方為安撫大使進攻之都曼計窮遂面縛降俘獻於乾陽殿魯領以西遂定○後率師討百濟破之俘義慈等獻東都定方所滅三國皆生執其王賞資珍寶不勝計卒諡曰莊

薛仁貴

薛仁貴絳州人少貧賤以田為業將改葬其先妻柳曰夫有高世之才要須遇時乃發今天子自征遼東求猛將此難得之時君蓋國功名以自顯富貴還卿葬未晚仁貴乃往見將軍張士貴應募○王師攻安市城高麗車兵二十萬拒戰太宗命諸將分擊之仁貴恃驍悍欲立奇功乃著白衣自標顯特戰腰鞬兩弓鞬居言反呼而馳所向披靡賊遂奔潰帝望見遣使馳問先鋒白衣者誰曰薛仁貴帝謂曰朕舊

將皆老欲擢號勇付關外事莫如卿者朕不喜得遼東喜得越將上呼遼右領軍中郎將高宗幸蕩年
宮山水暴至宿衛皆散走仁貴曰當天子緩急安可懼死遂登門大呼反以警宮內帝遽出來高俄而
水入帝股帝曰賴卿以免始知有忠臣也○顯慶三年破高麗於貴城所射皆應弦仆又戰石城有善
射者殺官軍十餘人仁貴單騎生擒之○副都仁泰為鐵勒道行軍總管將行宴內殿帝曰古善射有穿
七札者札側入反左氏傳晉定遠於解後漢與卿試以五甲射馬仁貴一發洞貫帝大驚吏取堅甲賜之
之與與泰由基鏢中而射之徹七札馬時九姓眾十餘萬令驍騎來挑戰仁貴發三矢輒殺三人於是虜氣懾皆降軍中歌曰將軍三箭定美
山壯士長歌入漢關九姓遂哀○乾封初高宗仁貴提卒二千進攻扶餘城諸將以兵寡勸止仁貴曰兵在
善角不在衆身率士拔其城因旁海略地扶餘既降他四十城相率送款威震遼海移治新城撫孤存老
檢制盜賊隨村任職褒崇節義高麗士眾皆欣然忘亡○咸亨元年吐蕃人寇命為大總管奉郭待封擊
之以援吐谷渾待封與仁貴等夷及是恥居其下頗違節度初軍次大非川將趨烏海仁貴曰烏海地險
而瘴吾入死地可謂危道然速則有功遲則敗今吾倍道掩賊不整滅之矣乃進至烏海以待後援而待
封保險不進吐蕃率眾二十萬取之糧仗盡沒王師大敗仁貴與吐蕃約和乃得還仁貴歎曰今歲在庚
午星在降婁不應有事西方節艾所以死於蜀吾固知必敗有詔原死○復生事貶象州會散還帝思其
功乃召見曰今邊西不寧卿安得高枕不為朕指麾於是拜瓜州長史率兵擊突厥元珍於雲州突厥問
曰唐將為誰曰薛仁貴突厥曰吾聞薛將軍流象州死矣安得復生仁貴晚晚整見之突厥相視失色下
馬羅拜稍稍遁去仁貴因進擊大破之獲生口三萬牛馬稱是永淳二年卒子訥

互註梁勇冠軍實中

薛訥

十七史詳節 卷七 唐書

七

訥字慎言為益田令富人倪氏訟息錢於蕭政臺中丞朱俊臣受賕發義倉粟數千斛償之訥曰義倉本備水旱安可絕衆人之仰牛向私一家報上不與○開元初契丹奚突厥數入邊訥建議請討姚元崇持不可訥曰夏草薦茂羔犢方不費餽餉因盜資振國威靈不可失也天子方欲夸威四夷喜奇功乃聽訥言師至滌河訥反為虜覆亡盡其軍訥脫身走有詔奪訥官爵俄而吐蕃寇臨洮詔訥白衣攝羽林將軍擊之破其衆以老致仕卒○訥性沉勇其用兵臨大敵益壯

程務挺

程務挺涪州平息人父名振太宗征遼東召問方略不合旨帝詰之名振辯對益詳帝意解謂左右曰房玄齡常在朕前見朕喚餘人色不能主名振生平未識我一旦請讓而辭吐不屈奇士哉拜平壤道行軍總管攻沙卑城破獨山陣皆以少擊衆號為名將○務挺少從父征討以勇力聞拜左武衛大將軍嗣聖初則為單于道安撫大使禦突厥務挺善經禦士服其威愛突厥憚之不敢盜邊裴支下獄務挺密表申治或言務挺與突潛相援結后即軍中斬之突厥聞務挺死率相慶為立祠每出師輒禱焉

唐瑋

唐瑋字休璉以字行京兆始平人少孤授易於馬嘉運傳禮於賈公彥舉明經高第○永淳中竊突厥圍豐州朝廷議棄豐保靈夏休璉以為不可上疏曰豐州控河邊寇號為襟帶自秦漢以來常郡縣之土田良美宜耕牧隋亂不能堅守乃遽就靈慶戎羯得以乘利而交侵始以靈夏為邊唐初募人以實之西北一隅得以全固今而廢之則靈夏亦不足自安非國家利也高宗從其言○聖曆中則授梁州都督吐蕃入寇洪源谷休璉臨高望之見旗鎧鮮明謂麾下曰吐蕃騎雖精不習戰吾為諸君取之乃被甲先登大戰皆克築京觀而還觀工喚反後戶封

多殺臣士卒甚勇無比今願識之后嗟異○西突厥諸蕃舉兵相攻武后詔休璟討之不少遺書所當施行者既而邊州建議屯置盡如休璟策后曰恨用卿晚后請楊再思李嶠姚元崇等曰休璟練知邊事卿輩十不當一中宗復位加右僕射封宋國公延和元年諸卒諡曰忠○休璟以儒者號知兵自碣石踰四鎮其間綿地幾萬里山川夷阻障塞之要皆能言之故行師料敵未嘗敗○張仁愿議築受降城而休璟獨謂不可卒就之而漠南無虜患已踰八十猶託倚權近求復用故復起宰相頗為時譏譽其當國亦無他毗益初得封以貳萬數千畝賜其族又出貳數十萬大為榮暴當拜其五服親

張仁愿

張仁愿華州下邳人却音主有文武材武后邊殿中侍御史○神龍中神檢校洛州長史會殺青多盜仁愿一切捕殺盡旬安憤無敢犯先是賈敦頤嘗為長史有政績時人為之語曰洛有前賈後張敵京兆三王○三年朔方軍總管為突厥所敗詔仁愿代之時默啜悉兵西擊突騎施仁愿請乘虛取漠南地於河北築三受降城絕虜南寇路中宗從之六旬而三城就以拂雲為中城南直朔方西城南直靈武東城南直榆林三壘相距各四百餘里其北皆大磧也斥地三百里置烽候千三百所自是突厥不敢踰山牧馬朔方益無寇虞損費億計減鎮兵數萬景龍二年神同中書門下三品封韓國公開元二年卒○仁愿為將號令嚴將吏信伏業邊撫師賞罰必直功罪後人思之為立相受降城出師輒享馬宰相文武兼者當時稱李靖郭元振唐休璟仁愿云

王峻

王峻子峻滄州人少孤好學祖有方奇之曰是子當與吾宗長景曠不樂為衡檢事擢明經第景龍末授桂州都督州有兵舊常仰餉峻始築羅龍戍卒堞江上使耐閑屯田數千頃以息轉漕百姓賴之刻石

頌德○進并州都督長史賧上言突厥向以國亂故款塞與部落無間延俟北風何嘗忘之今徙處河曲使內伺邊綽久必為患且南方糜鹿魚米之饒並遠置淮右河南寬鄉給之程糧不二十年漸服諸華料以充兵則皆勤卒議者若謂降狄不可以南處臣請以三策料之悉其部落置內地獲精兵之實閉點虜之患此上策也序障之下蕃華參處廣屯成為備擬費甚人勞比下策也置之朔塞滋成禍萌此無策也書未報而虜已叛乃救賧將兵以討賧聞行夜遇雪恐失期誓於神曰賧事君不以忠不討有罪天所殛者當自蒙罰心誠忠而天監之則止雪反風俄而和霽追及之獲級三千以功拜兵部尚書卒諡曰忠○賧氣貌偉特威嚴節義有古人風其攝下肅堂吏人畏愛始二張之誣魏元忠賧上疏申治宋景曰子再觸逆鱗其殆乎賧曰魏公以忠得罪苟得辨雖死弗悔賧卒後信安王禕討異於幽州告捷且言戰時士咸見賧與部將高昭度兵赴敵天子嗟異陽伯成上疏請封賧墓表異之乃遣使祭賧廟

贊曰唐所以威振夷荒斥大封域者亦有虎臣為之牙距也至師行數千萬里窮討殊關獵取其國猶鹿豕然可謂選植其才歟失宰相代天秩物變化人神惟有德者宜之若休璟仁愿用以承弼非彊所不能耶據功名之地則錚錚矣休璟仁愿皆至宰相無他地也

東萊先生唐書評節卷之八

列傳

王義方

王義方泗州連水人事母護淹究經術性褻特高自標樹舉明經詣京師客有徒步疲於道者自言父病革欲往省用不能前義方解所乘馬以遺不告姓名去由是譽振一時○不肯違請貴勢太宗補晉王府參軍魏徵欲妻以夫人之姪辭不取俄而徵薨乃娶人問其然曰初不附宰相今感知己故也○素善張亮亮抵罪貶吉安丞道南海舟師持酒脯請福義方酌水誓曰有如忠獲戾孝見尤四維靡氛千里安流神之聽之無作神羞是時盛夏薄霧蒸湧既祭天雲開露人壯其誠吉安介壘堯梗悍不馴義方召首領稍選生徒為開陳經書行釋奠禮清歌吹簫登降跪立人人悅順凡反○顯慶元年高擢侍御史會李義府縱大理囚婦淳于迫其丞畢正義縊死無敢白其姦義方疾當世附離匪人以欺朝廷內決劾奏意必得罪即問計於母母曰昔王陵母伏劍成陵之誼汝能盡忠吾願之死不恨上言天子置公卿大夫士欲水火相濟鹽梅相成不得獨是獨非也昔堯夫之四凶漢高祖失之陳臨音宜光武失之達萌魏武失之張遼彼聖傑之主然皆失於前而得於後今陛下撫萬邦而有之蠻貊夷落罪無逃罰况瑩殿下姦臣肆虐乎殺人滅口此生殺之柄不自主出而下移倭臣履霜坐水彌不可長臣請下有司雖治正義死狀即異法冠對仗叱義府下跪讀所言帝方妻義府殺佞殺古巧反在也謂也恨義方以孤士觸宰相照萊州司戶歲終不復調往客昌樂聚徒教授母喪隱居不出卒○始魏徵愛其才每恨大直卒不容於時

互註一世豪傑而死草莽魏書

貞年千歲王分及姓也
又音自又音律

十七史詳節

卷八

員半千字榮期齊州全節人其先本劉氏十一祖誦之以忠烈自比伍員因自姓員半千非古忠反通書史舉童子對詔高第長事王義方以道秀見賞義方常曰五百歲一賢者生子宜當之因改今名凡舉八科皆中咸亨中宗馬上書自陳臣家貧時也不滿千錢有田三十畝粟五十石聞陛下封神岳舉英豪故鬻錢走京師朝廷九品無葭蓂親從名于反華之末秀者華芳無反華也行年三十懷志潔操陛下何惜玉陛方寸地不使臣披露肝膽乎得天下英才與權所長有一居先臣當伏死都市書奏不報○調武陟尉歲早勸令殷子良發粟賑民不從及子良謁州半千悉發之下賴以濟刺史大怒囚半千於獄會薛元超持節度河責太守曰君有民不能恤使患出一尉尚何罪耶釋之○俄舉岳牧高宗問兵家有三陣何謂半千進曰古者星宿孤座天陣也山川向背地陣也偏伍強緝人陣也臣謂不然夫師以義出沛若時雨得天之時為天陣足食約費且耕且戰得地之利為地陣舉三軍士如子弟從父兄得人之和為人陣捨是則何以戰帝曰善既對策擢高第○為左衛曹參軍使吐蕃將行武后曰久聞爾名謂為古人乃在朝耶境外事不足行宜留待制擢正諫大夫詔入閣供奉兼右控鶴內供奉半千以控鶴在古無有而授任者皆浮狹少年非朝廷德道肅嚴之伴旨下遷水部郎中○會詔擇牧守除棣州刺史復入弘文館為學士武三思用事以賢見忌出濠斷二州刺史半千不專任吏常以文雅粉澤故所至禮化大行半千事五君有清白節年老不怠樂山水自放卒吏民哭野中

韓思彥

韓思彥字英遠鄧州南陽人舉下筆成章志烈秋霜科授監察御史分察百廢巡按州縣記軍○巡察劍南益州高贛兄弟相訟累年不決思彥飭尉宰飲以乳二人悟鬪相泣曰吾乃夷獠不識孝義公將以兄弟共乳而生耶乃請報訟會蜀大儻開倉賑民然後以聞言旨獲美○使并州方賊殺人主名不

立醉胡懷刀而汙記掠已服思彥疑之屢集兒童數百暴出之如是者三因問兒出亦有問者乎皆曰有之乃物色推訊遂搗真盜○後太白晝見勸帝休德以答天譴帝責李義府曰八品官能言得失而卿胃沒當責主何事耶義府謝罪與諸武謂思彥思彥自免去放蹟江淮間○久之補建州司戶帝召問不見將久今何官耶思彥泣道所以然帝謂宰相此亦大屈復召為御史錢出為江都主簿又徙蘇州錄事參軍客汴州有張僧徹者廬墓三十年詔表其闈請思彥為頌餉餼二百不受因請為受一匹命其家曰此孝子繆不可輕用○上元中高復召見用思彥久去朝儀矩梗野拜忘路得李敬玄劾奏徒未當亟卒子

韓琬

琬字茂貞落魄少崖檢他有姻勸舉茂才名動里中刺史行鄉飲唐制州貢明經秀才進士身率第此大任有德者為首其次為介人其次為眾實與之行錢之主人揚解錢之主人揚解名式化日曰孝于家忠于國今始充賦請行無算爵儒林榮之權第又舉文藝優長賢良方正連中拜監察御史○景雲初府上言國安危在於政政以法暫安焉必危以德始不使焉終治夫法者智也德者道也智權宜也道可以久大也故以智治國國之賊不以智治國國之禍貞觀永徽之間農不勸而耕者眾法不施而犯者寡俗不偷薄器不汗以生食者士恥同列忠正清白者比肩而立野雖輕而不犯賞雖薄而勤學校不屬而勤道佛不懲而戒其故奈何雜以皇道也自茲以來任巧智斥奉諛趨勢者進守者道退諂附者無黜刺之憂正直者有後時之歎人趨家親風俗淪替其故奈何行以霸道也貞觀永徽之天下亦今日之天下淳薄相反由治則然夫巧者知忠孝為立身之階仁義為百行之本託以求進口是而心非言同而意乖陛下安能盡察哉貪者謂能清白者謂孤浮沉者為黜剛正者為惡位下而驕家貧而奢歲月漸漬及浸

也。不教其弊何由變淳之淳哉。不務有事而務捉搦。上反下反夫捉搦者法也。法設而滋章則盜賊多矣。故曰設法不如息事。事息則巧不生。聖人防亂未然。天下何由不治哉。太宗朝司農以市木權倍罪價。抵大理孫伏伽言。官木權貴。故百姓者賤。臣見司農議大體未聞其過。太宗曰善。今和市專刻。名為和而實奪之。往者學生佐史里正。每一員闕。擬者十人。今當選者亡匿。以免往還。司從容有禮。今如仇敵。實販往官。將代儲什物。俟其至今交罷。執符紛競。校在亡徒。商賈出入萬里。今市井至失業。往家藏。極積粟。相奪。今匿貨示藏。以相尚。往者秋秋。閏今軍屯積。年往倉儲。盈貯。今在所空虛。夫流亡之人。非愛羈。振忘桑梓也。梓。姓也。反。詩云。維桑與梓。必恭必敬。止言父之所植也。欲重役。亟家產。已空。鄰伍牽連。遂為游人。窮詐而犯禁。救死而抵刑。又言仕路太廣。故棄農桑而趨之一夫耕一婦饗。衣食百人。欲儲蓄有餘。儲。蓄也。反。音且。安可得乎。書入不報。○出監河北軍兼按察使。先天中。唐賦絹。非時殺鵝。繅益貴。丁別二繅。人多徒亡。琬曰。御史乃耳目官。知而不言。尚何賴。又上言。頒報則弊已甚。移機罷督。乃聞詔可。

蘇安恆

蘇安恆冀州人。博學。尤明周官。春秋左氏。學武。后末年。太子雖還東宮。政事一不與。大臣畏禍。無敢言安恆投匭。是謂反。匭也。垂拱初。置。今。上。表。者。投。之。上書曰。陛下膺先聖顧託。受嗣子揖讓。應天順人。二十餘年。豈不聞虞舜慕哀周公。復辟事乎。今太子孝謹。春秋感壯。使統臨宸極。何異陛下身撫天下哉。又陛下二十餘子。孫無尺上封。非長久計也。諸以都督。要州。分而王之。縱今尚幼。且擇立師。傳養。成德。器。講屏。皇家。書奏。后雖猜克。不能無感。召見。賜食。厚。慰遣之。○明年。復諫曰。臣聞天下者高祖太宗之天下。有隋失馭。羣虎磨牙。親事戎旅。以平。寓。縣。指河為誓。非李氏不王。非功臣不封。今太子年德已盛。天意人事。還歸李氏。誠能高揖。為機。自怡。聖心。史臣書之。樂府歌之。斯盛事也。書聞不報。○魏元忠為張易之兄弟所構。獄方急。安恆

獨申教曰王者有容天下之量故濟其心能進天下之善故除其惡切見元忠廉直有有位宰相履忠正
邪佞之徒嫉之若讎易之兄弟無功無德位勢隆極指馬獻繡先嘗善良自元忠下獄人人語傳謂易之
交亂且反四國烈士拊髀謂難也忠臣鉗口上其原反以爲懼易之之權恐先諫受戮虛死无名臣今計有所封束也
者莫若收雷霆之威解恢恢之網復爵還位君臣如初則天下幸甚陛下縱不能斬佞臣塞人望且當抑
奪榮寵剪其羽翅無使驕橫為社稷之憂書奏易之等大怒遣刺客遺殺之賴植序範等悉力營解乃免

薛登

薛登常州人本名謙光通貫文史善議論根柢該審天授中元累遷左補闕時選舉澄甚乃上疏曰比觀
舉薦類不以才馳譽假譽互相推引非所謂報國求賢者也古之取士考素行之原詢鄉邑之譽崇禮讓
明節義以敦朴為先雕文為後故人崇勸讓士去輕浮以討實賢愚為州之榮辱昔李陵降而虜西慙于
木德而西河美名勝於利則偷競日消利勝於名則貪暴滋熾熾莫缺以禮讓升而晉人知禮文翁以經
術教而蜀士多儒未有上好而下不從者也漢世求士必觀其行故士有自修為閭里推舉然後府寺交
辟魏取放達晉先門閹房越及又廣魏秋月反梁陳薦士持尚詞賦隋文帝納李諤之言詔禁文登浮辭
時司馬幼之表不典實得罪由是風俗稍改煬帝始置進士等科後生復相馳競魏緝小文名曰策學不
指事實為本而以浮虛為貴方今舉士明詔方下固已馳驅府寺之庭出入王公之第陳扁希惠奏記誓
報故俗號舉人皆稱覓舉是以耿介之士羞於自拔循常小人棄疏取附願陛下降明制頒峻科斷無當
之浮言取實用之良策文試劾官武閱守御昔吳起將戰左右遺劍吳子辭之諸葛亮臨陣不親戎服蓋
不取弓劍之用也漢武帝聞司馬相如之文恨不與同時及其至也終不處以公卿之位非所任故也漢
法所舉之生終身保任楊雄之坐田儀成子之得魏相賞法之令行則請謁之心絕退讓之義著則貪競

之路清請寬年限以容簡汰此者反不實免官得人加賞自然見賢不隱貪祿不專兵○時四夷貢子多

在京師皆因入侍見中國法度及還並為邊害登諫曰戎夏不雜古所戒也故斥居塞外有時朝謁已事

則歸三王法也漢魏以來革襲衣冠染室京師不令歸國較其利害三王是而漢魏非拒邊長而賈子短

昔晉郭欽江統以夷狄處中國必為變武帝不納卒有水嘉之亂伏見吳服吐蕃契丹往因入侍並被獎

遇官戎狄步營門服改禮言土反語習楚夏窺圖史成敗歎山川險易國家雖有冠帶之名而狼子孤

恩惠必在獲昔申公奔晉使子狐庸為吳行人教吳戰陣使之叛楚漢運五部匈奴於汾晉卒以劉石作

亂竊討秦并天下及劉項用兵人士彫散以胃頰之盛乘中國之虛而高祖困厄平城匈奴卒不入中國

者以其生長積漢謂窮廬周於城郭穆爾美於章紱既安所習是以無窺中國心元海五部散亡而能自

振者少居內地明習漢法鄙單于之陋竊帝王之稱使其未嘗內徙不遇劫邊人縉纒麴藥歸陰山而已

今皇風所覃含識革面方由余効忠日殫盡節然臣猶慮備豫不謹則夷狄稱兵不在方外非貽謀之道

臣謂願充侍子可一切禁絕先在國者不使歸者則夷人保疆邊境無事武后不納久之出為常州刺史

屬宣州賊亂百姓潰震登嚴勒守備關境賴安○景雲中唐為御史大夫僧慧範詰太平公主執奪民邸

肆官不能直登將治之反為王所構出岐州刺史卒

王求禮

王求禮許州人武后時為左拾遺監察御史后方普明堂瑤飾諸怪侈而不法求禮以為鐵鸞五角金龍

丹腹胡也珠玉乃高瓊臺夏瑤室之比非古所謂茅茨採椽者上書譏切久不報○時契丹陷幽州饋

輓屈竭左相巨虛登望請停京官九品以上月俸助軍興求禮曰公祿萬鍾正可輟仰祿之人可奈何款

望拒不應既奏求後歷階進曰天子富有四海何待九品奉使宰相奪之以濟軍國用乎魏瑋曰秦漢皆

有稅算以佐軍求禮不識大體對曰春漢虛天下事邊秦荷使陛下效之后曰止○久視二年_{后三月}大雪蘇味道等以為瑞率羣臣入賀求禮讓曰_非相變和陰陽而季春雨雪乃災也果以為瑞則冬月雷渠為瑞雷耶味道不從既賀者入求禮即厲言令陽氣備升_{上方問}而陰激射冰此天災也主荒臣佞寒暑失序使天有瑞何感而來哉羣臣震恐后為罷朝然以剛正故官_{居上社所及}終衛王府參軍

柳澤

柳澤蒲州人鯁介少言笑風度方嚴景雲中謫為參軍先是中宗時長盛諸公主及后女弟姻聯數十族皆能降墨數授官及姚元崇宋璟輔政白能斜封官數十員元崇等罷去太平公主盡奏復之澤詣闕上疏曰臣聞樂不毒不可以鑄疾詞不切不可以補過故習甘旨者非攝養之方通諛佞者非治安之宜臣竊見神龍以來綱紀大壞內寵專命外嬖制權因貴憑勢賣官鬻爵妃主之門同商賈然舉選之署若闇闇然_{闇闇胡胡對反}屠販者由邪忝官廢黜者因姦冒進賴陛下聰明神武拯溺舉墜耳目所親豈可忘鑒哉且斜封官者皆僕妾私謁迷誤先帝陛下即位之初用元崇等計悉以停廢今又收用之使善惡混并反覆相攻天下咸稱太平公主與胡僧慈範以此誤陛下故語曰姚宋為相邪不如正太平用事正不如邪臣恐流近致遠積小為大又言尚醫奉御彭君慶以巫覡小伎_{魏列狀}招授三品奈何輕用名器加非其人臣聞賞一人而千萬人悅者賞之_{及君至}罰一人而千萬人勸者罰之惟陛下裁察疏入不報○澤入調會_有詔選者得言事乃上書曰頃者_其氏_氏亂奸臣同惡政以賄成官以寵進言政者獲戾行殊者見疑海內寒心人用不保陛下神聖勇智安宗社於已危振黎苗之將溺乃今錮煩者保法明德舉萬邦懼樂室家齊歡惟陛下慎厥初修其終夫駑駘起於親貴紀綱亂於寵倖禁之於親貴則天下從制之於寵倖則天下畏寵祿之過罪之陪也謂安之耶駑駘之淫危之梯也謂福之耶前事不忘後之師也陛下數求俊

使朝夕納諫其有逆於耳諫於心者無違罰始求之道順於耳便於身者無急賞始求之非道蓋淫巧者

拒之則淫巧息退忠諫者賞之則忠諫進今儲宮肇建王府復啟願求溫良博聞恭念忠鯁者按古者凡

故固有忠臣為之儉友乃請東宮置拾遺補闕武后垂拱元年使朝夕講論出入侍從授以訓誥交修不

逮頃章庶人安樂公主武延秀等可謂貴且寵矣權倖人主威震天下然怙侈滅德神怒人棄豈不謂愛

之太極富之太多乎今陛下去其太甚開之以禮則可矣諸王公主駙馬陛下之所親愛也婚枉驪戒宜

在厥初使居寵思危觀過務善唯陛下默奢僭驕急進橫素行業以勗其非心願陛下不作無益不啓私

門不差刑不濫賞則惟德是輔惟人之懷天祿永終矣睿宗善之○開元中註轉殿中侍御史時市舶使

周慶立造奇器以進船博陌反大身澤上書曰昔靈臺無費明君不忍象著非大忠臣憤歎度立求媚聖意探蕩

上心陛下信而使之乎是宣淫於天下度立矯而為之乎是禁典之所無教陛下新即位固宜昭宣菲薄

廣示節儉豈可以怪好示四方哉書奏玄宗稱善為鄭州刺史未行卒○從祖範自觀中為御史時吳王

恪好田獵範彈治之太宗曰權範紀不能輔導恪罪萬死範進曰玄齡事陛下猶不能諫止田獵豈宜獨

罪萬紀帝怒拂衣起頃之召謂曰何廷折我範謝曰主聖則臣直陛下仁聖敢不盡愚帝乃解

馮元常相州人舉明經及第高宗時擢劍南道巡察使與利除宮蜀人順賴○嘗密諫帝中宮權重宜少

抑帝雖置其計而內然之由是為武后所惡○元帝在職修舉誠懇登連帝委遇特厚及不諛詔平章百

司奏事○武后擅朝嵩陽令英文進瑞右后暴石朝堂示百官元常奏石妄傷不可示羣臣后怒出為眉

州刺史劍南有盜夜掠人盡伏山谷元常諭以恩信約悔過自新賊相率脫甲面縛賊平轉廣州都督凡

三後終不得至京師卒為酷吏周興所陷死○元常閨門雍睦有禮法雖小功喪不御私室神龍中中旋

馮元常

馮元常相州人舉明經及第高宗時擢劍南道巡察使與利除宮蜀人順賴○嘗密諫帝中宮權重宜少

抑帝雖置其計而內然之由是為武后所惡○元帝在職修舉誠懇登連帝委遇特厚及不諛詔平章百

司奏事○武后擅朝嵩陽令英文進瑞右后暴石朝堂示百官元常奏石妄傷不可示羣臣后怒出為眉

州刺史劍南有盜夜掠人盡伏山谷元常諭以恩信約悔過自新賊相率脫甲面縛賊平轉廣州都督凡

三後終不得至京師卒為酷吏周興所陷死○元常閨門雍睦有禮法雖小功喪不御私室神龍中中旋

其家大署曰忠臣之門天下高其節凡名族皆願通婚○從弟元淑歷三縣令右善去惡人稱爲神明與奴僕日一食馬日一秣所至不挈妻子斥俸餘以給貧窮或譏其近名元淑曰吾性也不爲苦中宗降璽詔書勞勉付狀史官元淑約潔過於元常然剛直不及也

蔣欽緒

蔣欽緒萊州人頗工文詞擢進士第累遷太常博士中宗始親郊祝欽明建言皇后應亞獻欲以帽章氏天子詔禮官議眾曲意阿徇欽緒獨抗言不可諸儒壯其節○歷吏部員外郎始韓琬爲高郵主簿名居兖州欽緒自負其才有不遇之言題客舍他日欽緒見之笑曰是子曩後時耶久之琬舉賢良方正欽緒揮其文異等因謂曰朋友之過免未琬曰今日乃見君子之心其務薦引士類此○欽緒精治道取吏整嚴雖錄抄罪不貸反木前蕭至忠被召欽緒戒曰以君才不患不見用患非分而求耳至忠竟及禍歷汴魏二州刺史卒于沈

蔣沈祖亮

沈亦專潔博學少有名以孝廉授洛陽尉遷監察御史與兄演弟清俱爲才吏有名天寶間始河南尹韓朝宗裴迥嘗委訊覆檢白而處事平剖斷精尤羣僚莫能望也○乾元中遷歷四縣令美政法行長老紀馮郭子儀軍出其縣救麾下曰蔣沈賢令供億常有素士得蔬飯足矣毋撓其清也○遷長安令元載持政守道士類不遷沈以故滯卽位不得調常袞代相聞士議恨沈屈故擢御史中丞再遷大理卿持法明嘗號稱職

唐臨

唐臨字本德京兆人武德初爲萬泉丞有輕囚久繫方春農事興臨說令可且出內使就獄故不許臨曰

有所疑丞執其罪令移疾臨卷輒歸與之約囚如期還○遷御史大夫韋挺書著位不肅明日挺越次與江夏王道宗語臨進曰王亂班道宗曰與大夫語何至爾臨曰大夫亦亂班挺失色眾皆悚伏俄持節按獄交州出寃獄三千人○遷大理卿高宗嘗錄囚臨占對無不盡帝喜曰為國之要在用法刻則人殘寬則夫有罪惟是折中而稱朕意他日復訊餘司斷者輒紛所不已獨臨所訊無一言帝問故答曰唐卿斷囚不寃所以絕意帝歎曰為獄固當若是乃自述其考曰形如死灰心若鐵石○永徽元年高宗拜御史大夫蕭齡之嘗任廣州都督受賕當死解法七反以財相謝詔羣臣議請論如法詔戮於朝堂臨建言羣臣不知天子所以議之之意在律有八工族戮于隱護親也刑不上大夫議貴也今齡之貪賊跋扈死有餘咎陛下以異於他囚故議之有司又令入死非堯舜所以用刑者不可為後世法帝然之齡之免死臨後為湖州刺史卒○臨儉薄寡欲不治宅第性旁通專務接人過見妻子必正衣冠○兄皎貞觀中官吏部侍郎先是選集四時補注不為限改請以冬初集盡季春止後遂為法

唐紹 臨之孫

紹為太常博士韋庶人請妃公主命婦以上葬給鼓吹詔曰可紹曰鼓吹本軍容黃帝戰涿鹿以為警衛惟功臣詔墓得兼用之男子有四方功所以加寵雖郊祀天地不參設容得接閭闔豈不省○玄宗講武隴山紹以典儀坐失軍容帝怒甚李適傳詔斬之

張文瓘

張文瓘字稚圭貝州人幼孤事母兄以孝友聞貞觀初第明經補并州參軍○時李勣為長史嘗嘆曰稚圭今之管蕭吾所不及勣入朝文瓘與屬僚二八皆饒勳贈二人以佩刀玉帶而不及文瓘文瓘以疑請勣曰子無為嫌若某尤疎少決電音故贈以刀欲其果於斷某效誑少檢故贈以帶俾其守約束若子才

無施不可爲用贈因極推引○乾封二年高宗與勳同爲宰相時高宗造蓬萊等宮復征討四夷京師養鹿馬萬匹帑廩虛唐史云金幣所藏文璣諫曰王者養民逸則富以康勞則怨以叛秦漢廢事四夷造宮室至二世土崩武帝末年戶口減半臣願撫之無使勞而生怨帝善其言爲減廩馬數千○改大理卿不旬日斷疑獄四百抵罪者無怨言嘗有小疾囚相與齋禱願亟視事時以執法平恕方戴胃後拜侍中諸囚聞其還皆垂泣其得人心如此性嚴正未嘗回容諸司奏議悉心糾駁故帝委之或時移疾他宰相奏事帝必問與文璣議未若者曰往共籌之或曰已議即皆報可○新羅叛帝將出兵討之文璣請息兵以懷異俗詔可卒諡曰懿○四子皆至三品時謔萬石張家○文璣兄文琮好寫書墨不釋手○爲建州刺史州尚淫祀不立社稷文琮下教曰春秋二社本於農今廢不立田畝旱荒或未之思乎神在於敬可以致福於是始建祀場民悅從之卒於官

徐有功 五世孫

徐有功舉明經累補蒲州司法參軍爲政仁不忍杖罰民服其恩更相約曰犯徐來軍杖者必斥之訖代不辱一人○累遷司刑丞時武后僭位畏唐大臣謀已於是周興等揣議后指置總監牧院諸獄捕將相俾相鈞逮捕搦送楚掠擬慘又引天下豪傑馳使者即按一切以反論后輒動以官賞於是急急變相告言者無虛日朝野震恐莫敢正言獨有功數犯顏事枉直時琅琊王冲遣家奴督餼與尉顏餘慶相聞知會冲坐逆誅人告餘慶豫冲謀后令俊臣鞠治反狀聞有司議餘慶更承昌教法當流魏元忠謂餘慶與冲合謀明甚請殊死詔可有功曰永昌教令與旭正同惡魁首已伏誅餘慶方今論罪非支黨何后意解遂免被言是謂支黨后曰何謂魁首答曰魁首者旭正是已既已伏誅餘慶方今論罪非支黨何后意解遂免死時在廷陞者數百人皆縮頸不敢息而有功氣定言詳截然不撓後有韓紀孝者受徐敬業偽官前

已物故顧仲瑛籍其家詔已報可有功追議曰律謀反者斬身亡即無斬法無斬法則不得相終所緣之人亡則所因之罪減詔從之○任知古等七人被誣當死后謂宰相曰古人以殺止殺我今以恩止殺就羣公丐知古等賜以再生俊臣固請如法有功奏曰俊臣還陛下再生之賜不可以示信於是悉免死後為周興刺奏坐免官○俄起為左肅政臺侍御史辭曰臣聞鹿走山林而命繫庖厨者勢固自歿陛下以法官用臣臣守正行法必坐此死矣后固授之天下間有功復進酒然相賀○時有詔公則流私坐徒以上會赦免踰百日不首者復論首舒反不自首有功奏曰陛下竟殊死罪已發者原之是過改過之心自新之路故律告赦前事以其罪坐之若無告言所犯終不自發如告言赦前事則與律乖今赦前之罪不自言者還以法論則恩雖布天下而一罪不能貸臣竊為陛下不取后更詔五品以上議可○又上疏曰比遭曹誣虜公竄謗滿路事表生情法外構理而刻薄吏驅扇成姦雖朝堂進表列內牒叫闕不聽叩鼓弗聞使申其寃正增其枉誠令天官銓注有所不聞法司推斷舞法深抵都理反也三司理憲受所上章掩塞不白者皆許臣按驗劾發奪祿朕勞不越月踰時可致刑措后納之○實李讓妻龐為其奴婢以奴業教為夜解因告以厭誼薛季昶鞠之龐當死有功明其枉季昶勸有功黨惡逆當棄市有功安步去后召詰曰公比斷獄多失出何耶對曰失出臣小過好生陛下大德后默然龐得減死有功免為民○起拜司刑少卿與皇甫文備同按獄誣有功縱逆黨久之文備坐事下獄有功出之或曰彼嘗陷君於死今生之何也對曰爾所言者私忿我所守者公法不可以私害公嘗謂所親曰大理人命所繫不可阿旨詭辭以求苟免故有功為獄常持平守正以執探寬罔凡三坐大辟將死泰然不覺赦之亦不喜后以此重之所全活甚眾略吏為少哀然疾之如讐矣卒會昌中追謚曰中正○初潘好禮慕有功為人論之曰昔稱張釋之為廷尉天下無寃人今有功斷獄天下亦無寃人然釋之嘗漢文帝時中外無事守法而

已有功居革命之際來俊臣等掩義隱賊崇飾惡言以誣威德有功守死明道身清殆者數矣此其賢於釋之明甚或稱有功仁恕過于漢張盧若盧曰徐心當雷震之震而能全仁恕雖千載未見其比○五世孫商宣宗時拜河中節度使突厥殘種以千帳度河自歸詔商綏定商表處山東寬鄉置備征軍凡千人累紙為鎧勁夫不能洞

贊曰徐有功不以唐周貳其心惟一於法身蹈死以救人之死故能處猜后酷吏之間以恕自將內性虐陷不使天下殘於燼可謂仁人也哉議者謂過于漢張梁不信夫

崔融

崔融字安成齊州人擢入科高第武后時累進鳳閣舍人時有司議關市行人盡征之融上疏謂周官九賦其七曰關市以市多淫巧而關通末游欲止抑之故加稅耳然唯斂工商而不及往來且天下之關必險道市必要津濠宗器少在馬聞一旦變法或致駭動恐南走蠻北走狄如有師興費廣雖倍算商欲加斂齊人可也后納之○融為文華殿當時未有輩者朝廷大筆多手數委之其洛出寶圖頌尤工譚武后哀丹最高麗絕筆而死時謂思苦神竭云

崔從融之曾孫

從字子又少孤貧講學不廢擢進士第為推官以母喪免兄弟廬墓手執松柏喪闋不應辟命○久之遷吏部異時史給選者成牒以先後丐賂梁尤從一限出之後遂為法○為御史中丞所彈治不屈權幸薦引御史務取質重廉退者○遷尚書右丞王承宗請割德棣大封反而遣子入侍憲宗選堪使者以命從議者謂承宗很驕非單使可屈請以五百騎從辭之惟重騎十數疾趨鎮集軍士逐場宣詔為陳逆順大節禍福之效音辭暢厲士感動承宗自失親愈恭至泣下即按三州戶口符印上之○長慶初由尚書左

丞領節度屬部多神策屯軍數亂法驍橫吏不能治從一繩以法下皆重足畏之党項互市羊馬類先遣師守從獨不取而厚慰待之羌不敢盜境○大和六年卒下有封肉以祭者封後也謚曰貞○從為人嚴備立朝稜稜有風望不喜交權利忠厚而謹潛品當立門或終不請位方鎮內無聲妓娛玩士大夫賢之子慎由

崔慎由弟安潛 彦曾

慎由字敬止聰警強記資端厚有父風采由進士第擢賢良方正異等俄進工部尚書與蕭勤有隙宣宗御長年藥病渴且中蹶而國嗣未立帝欲肆赦患無其端慎由曰太子天下本若立之故為有名帝惡之勤乘是請去之○安潛字進之擢進士第咸通中宗為節度使乾符初宗王仙芝寇河南安潛募人增陣器械陣城上不以為力費仰朝廷首請會兵討捕號令嚴明賊畏之不犯陳許境卒諡曰貞孝安潛於吏事尤長雖位將相閱具獄未嘗不身聽之○彦曾咸通初宗為徐州觀察使晚律令然辨急為政剛猛徐軍素驕而彦曾長於撫民短治軍士多怨之

徐彦伯

徐彦伯兖州人名洪以字顯七歲能為文對策高第調蒲州司兵參軍時司戶專為善判司士李直工書而彦伯屬辭時稱河東三絕○武后撰三教珠英取文辭士皆天下達而彦伯李嶠居首會郊祭上南郊賦一篇辭致典縟開元二年卒○彦伯事寡嫂謹撫諸姪同己子秉筆累朝後來翕然慕倣晚為文稍強灑然當時不及也○始武后時大獄興王公卿士以語言為酷吏所引死徒不可計彦伯著樞機論以言者德之柄行之主志之端身之文也君子之樞機動則物應得失之見也可以濟身可以覆身否泰榮辱一繫之能審思而應精慮而動擇其交以後談則悔吝何由而至如此乃可以言也以為戒世云

蘇味道

蘇味道趙州人九歲能屬辭與李嶠俱以文翰顯時號蘇李舉進士中第
蘇味道成陽尉與行儉才之會
征天賦引裴居道為將軍僕味道作章攬筆而具開儼清素當符感傳
延載中以鳳閣舍人檢校侍衛
後因還易之敗坐累尉赴眉州刺史卒
味道使臺閣故事善占奏然其為相特異位兼少皆皆發明
聲自營而已常謂人曰決事不欲明白誤則有悔模稜持兩端可也
嘗請託不遂因慢折之味道怡然不屑

互註繪象為圖

宋敏

豆盧欽望

豆盧欽望雍州人長壽中拜內史李昭德被罪有司奏欽望阿順昭德不執正附臣罔君貶趙州刺史
中宗即位擢尚書左僕射平章軍國重事欽望居宰相積十餘年方易之等怙勢靈蒸
戰忠戚歎冀非常
不能有所裁抑獨謹身諄諄自全

崔元綜

崔元綜以鸞臺侍郎同鳳閣鸞臺平章事性格謹坐政事堂東帶終日不休僊尤護細禁外若謹屣而中
刺薄每受制鞠獄必澡垢索疵不入死不止人畏鄙之未幾坐事流振州縉紳為慶

周允元

周允元字汝良豫州人自御史中丞同鳳閣鸞臺平章事武后宴宰相詔陳書傳善言允元曰貶其君不
如莫拜武三思勅奏語指斥后曰聞其言足以戒安得為過

狄仁傑

狄仁傑字懷英并州人為兒時門人有被害者吏就詰問爭辨對仁傑誦書不置更讓之答曰黃卷中方
與聖賢對何暇傷俗吏語耶舉明經調汴州來軍為吏誣訴點涉使周立本召訊異其才謝曰仲尼稱
觀過知仁君可謂達海遺珠矣薦授并州法曹親在河陽仁傑登太行山反顧見白雲孤飛謂左右曰
吾親舍其下瞻恨久之雲移乃得去同府參軍鄭崇買母老且疾當使絕域仁傑謂曰君可胎親萬里
憂乎詣長史簡仁基請代行仁基咨美其誼每曰狄公之賢北斗以南一人而已○稍遷大理丞歲中斷
久獄萬七千人時稱平恕權善才免懷義坐誤斧昭陵栢罪當免高宗詔誅之仁傑奏曰漢有蓋高廟玉
環文帝欲當之旗張釋之廷諍曰假令取長陵一抔土何以加其法於是罪止棄市今誤伐一栢殺二臣
後世謂陛下為何如主帝意解遂免死授侍御史王本立佔竊自肆佔竊自肆仁傑劾奏其惡本立抵罪抵罪

仁傑也當也朝廷肅然○使岐州亡卒數百剽行人道不通官捕繫窮訊而餘曹紛紛不能制仁傑曰其

計窮且為患乃開首原格出繫者累而縱之使相曉皆其縛歸帝歎其達權宜○帝幸汾陽宮為知頓使

李冲玄以道出姑女祠俗言風服過者致風雷之變更發卒數萬改暉道仁傑曰天子之行風伯清塵而

師灑道何妬女避耶止其復帝壯之曰真丈夫哉○出為益州刺史撫和戎落得其歡心郡人勒碑以頌

○拜冬官侍郎持節江南巡撫使使又左右巡使吳楚俗多淫祠仁傑一禁止止留夏禹吳太伯季

札伍員四祠而已○出豫州刺史時越王兵敗支黨餘二千人論死仁傑釋其械密疏曰臣欲有所陳似

為逆人申理不言且累陛下欽恤意然此皆非本意謹諫至此有詔悉譴戍邊因出益州父老迎勞迎勞

也曰狄使君活汝耶因相與哭碑下因齋三日乃去至流所亦為立碑○初宰相張光輔討越王軍中恃

功多暴索仁傑曰亂河南者一越王公董士三十萬以平亂縱使暴橫無辜之人咸望塗炭是一越王死

百越王生也如得上方斬馮劍加君頸雖死不恨光輔還奏仁傑不遜左授復州刺史○天授二年武以

地官侍郎同平章事武后謂曰卿在汝南有善政然有諸卿者欲知之乎謝曰陛下以為過臣當改之以為無過臣之幸也壽者乃不願知后嘆其長者時大學生謁急后亦報可仁傑曰人君惟生殺柄不以假人至薄書期會豈責有司尚書省決事左右丞不句杖左右丞相不判徒况天子乎學徒取告丞簿聽耳若為報可則胥子數千凡幾詔耶為定令示之而已后納其言○會為來俊臣所構捕送制獄俊臣引仁傑置對答曰有周革命我乃唐臣反固實俊臣乃挺繫其屬王德壽以情謂曰我意求少選公為我引楊執柔為黨公且免死仁傑歎曰皇天后土使仁傑為此乎即以首觸柱血流沫面德壽懼而謝守者寔地即叩擊書帛置楮衣中子光遠得書上變因免死貶彭澤令邑人為置生祠○萬歲通天中契丹陷冀州河北震動擢為魏州刺史前刺史懼賊至驅民保城修守具仁傑至悉繼就田虜聞悉去民愛仰之復為立祠○傳幽州都督賜茶袍龜帶后自製金字十二於袍以旌其忠○拜平章事時發兵戍疏勒四鎮百姓怨苦仁傑諫曰天生四夷皆在先王封域之外東距滄海西隔流沙北橫大漠南阻五嶺天所以限中外也自典藉所紀群教所暨三代所不能至考國家既已兼之矣乃用武荒外邀功絕域竭府庫之實以爭硤礪不毛之地硤礪苦文反得其人不足以增賦獲其上不可以耕織苟求冠帶遠夷不務固本安人此秦皇漢武之所行也臣伏見國家師旅歲出調度之費粗以空廣石戍四鎮左屯安東柁柳空虛轉輸不絕行役既久怨曠者多上不是恤則政不行政不行則害氣作害氣作則蟲螟生水旱起矣昔漢元帝納賈捐之之謀而罷珠崖宣帝用魏相之策而棄車師田貞觀中古平九姓冊年李思摩為可汗呼于反使統諸部戎狄叛則伐降則撫得推亡固存之義無遠戍勞人之役今阿史那祥吉羅皆陰山貴種代雄沙漢若委之四鎮以統諸蕃建為可汗遣御寇惠則國家有繼絕之美無轉輸之苦損四鎮肥中國罷安東實遠西省軍費於遠方并甲兵於要塞恆代之鎮重而邊州之備豐矣且王者外宏容有內危陛下姑

救邊兵謹守備以逸待勞則戰士力倍以主禦客則我得於使壁壘清夜寇無所得自然深入有顛蹶之

慮頭沙利淺入無虜獲之益不數年二虜不討而服矣○又請廢安東復高姓為君長自江南轉饋以息

民不見納及路也后欲以武三思為太子以問宰相張柬之對曰臣觀天人未厭唐德比匈奴犯邊陛下

使梁王三思募勇士於市踰月不及千人廬陵王代之不決曰輒五搗今欲繼統非廬陵王不可后怒罷

議久之召謂曰朕數夢雙陸不勝何也對曰雙陸不勝無子也天其意者以儆陛下乎且太子天下本本

一搖天下危矣文皇帝身蹈鋒鏑十歷勤勞而有天下傳之子孫先帝寢疾詔陛下監國陛下掩神器

而取之十有餘年又欲以三思為後且姑姪與子母孰親陛下立廬陵王則千秋萬歲後帝宗廟三思

立廟不祔姑上付選反附謂合食於廟也后感悟即日遣徐彥伯迎廬陵王於房州王至后匿王帳中召見仁傑語廬

陵事仁傑請切至涕下不能止后乃使王出曰還爾太子仁傑曰太子歸未有知者人言紛紛何所信后

然之令太子舍龍門具禮迎還中外大悅初李德昭數請置太子而后意不回唯仁傑每以母子天性為

言后雖伎忍不能無感故卒復唐嗣○尋拜納言吳厥入趙定投降其眾詔仁傑為河北安撫大使時民

多脅從於賊賊已去懼誅逃匿仁傑上疏曰議者以為虜入寇始明人之逆順或迫脅或願從或受偽官

或為招慰誠以山東之人重氣一往死不為悔上策與調發須當傷破家產別屋賣田則此人不為售

又官吏侵漁州縣科役督趣鞭笞情危事迫不備禮義投送犬羊以圖賒死此君子所愧而小人之常民

猶水也壅則為淵疏則為川通塞隨流豈有常性令負罪之伍潛藏山澤赦之則出不赦則狂山東羣盜

緣茲聚結故臣以為邊鄙暫警不足憂中土不甯為可慮也夫持大國者不可以小治事處者不可以細

分人主所務弗檢常法願曲赦河北一不問罪詔可○李楷固賂務整討契丹克之獻俘舍樞殿后大悅

二人者本契丹李盡忠部將盡忠入寇楷固等數挫王師後降有司議論如法仁傑稱其驍勇可任若

死必感恩至是凱族后舉酒屬仁傑賞其知人○后將造浮屠大像度費數百萬官不能足更詔天下僧
日施一錢助之仁傑諫曰工不役鬼必在役人物不天降終由地出不損百姓且將何求今邊陲未宜宜
寬征斂之極省不急之務就令工作以濟窮人既失農時是為棄本一方有難何以救之后由是罷役聖
歷中則天卒諡曰文惠○仁傑所薦進若張柬之桓彥範敬暉姚崇等皆為中興名臣始居母喪有白鶴馴
授之祥中宗即位封恭國公○子光嗣聖恩初武后詔宰相各舉尚書郎一人仁傑薦光嗣以稱職聞后
曰祁奚內舉果得人王崇曰左傳非舉舉于子
為中舉射君子不以為私

狄兼謨仁傑族孫

兼謨字汝諧及進士第剛正有祖風歷三州刺史歲旱饑發粟賑濟民人不流徙擢給事中左藏史盡度
支繆帑文宗以經赦詔勿治兼謨封還詔書對曰典史犯賊不可免帝曰朕已赦其長官吏亦宜有與其
失信盜夫罪人既而曰復或事有不可勿以還詔為博○遷御史中丞帝曰御史臺朝廷剛紀一臺正則
朝廷治朝廷正則天下治畏忌顧望則職業廢矣卿渠公後當嗣家聲兼謨頓首謝江西觀察使吳士矩
加給其軍糧用上供錢數十萬兼謨劾奏觀察使為陛下守土宣國詔條知臨民實士州有定數而與律
由已貽弊一方士矩由是貶蔡州別駕

郝處俊即許

郝處俊安州人甫十歲而孤及長好學嗜漢書崖略暗誦第進士累遷吏部侍郎高麗叛詔李勣為大總
管處俊副之師入虜境未陣賊遽至舉軍危蹶處俊方據胡牀體胖安餐乾糲不顧密料精銳擊之虜部
眾壯其謀○時浮屠盧伽逸多治丹曰可以續年高宗欲遂餌之處俊諫曰修短固有命異方之劑安得
輕服哉帝納其言○咸亨初高宗幸東都皇太子監國諸宰相皆留而處俊獨從帝嘗曰王者無外何為守

御而重門擊柝庸待不虞耶我嘗疑秦法為寬荆軻匹夫耳七首竊發群臣皆荷戟侍與敢拒豈非習慢使然處復對曰此乃法急耳秦法軌升殿者夷三族人皆懼族安有敢拒耶故王者設法不可急亦不可慢帝曰善○初顯慶中高宗令狐德棻劉焯之撰國史其後許敬宗復加緒次帝恨敬宗所紀事實更命宰相刊正處俊乃表左史李仁實欲刪整偽辭會仁實死而止○上元初高宗帝觀醮翔鸞閣時赤縣與太常音枝分東西朋帝詔雅王賢主東周王顯主西因以角勝負處俊曰禮所以示童子無誑者恐其詐詐之心生也二王春秋少意操未定乃分朋造孽使相誇被俳兒優子言辭無度爭負勝相譏諷非所以導仁義示雅和也帝遽止歎曰處俊遠識非眾臣所逮遷中書令○帝多疾欲選位武后處俊諫曰天子治陽道后治陰道然則帝與后猶日之與月陽之與陰各有所主不相奪也若失其序上譴見於天下降災於人今陛下奈何欲身傳位天后乎天下者高祖太宗之天下正應謹守宗廟傳之子孫不宜持國與人以喪厥家事遂沮帝哀其忠○處俊資約素土木形骸然臨事敢言自秉政在帝前議論諄諄必傳經義凡所規獻得大臣體武后雖忌之以其操履無玷不能害與勇許國師同二俱宦達鄉人田氏彭氏以高賢顯故江淮間為語曰貴如彭許富如田彭孫家賢為通事舍人后素銜處俊故因事誅之臨刑極罵乃死后怒令離磔其尸彭修反斬夷祖父棺冢自是訖後世將刑人必先以木丸塞口云

互註言志願宰天下

朱敬則

朱敬則字少連亳州人以孝義世被旌顯一門六闕相望敬則志尚恢博好學重節義然諾喜與人交振其急難不責報於人○初武后稱制天下頗流言遂開告密羅織之路具大獄謀斬相大臣至是已革命事益益敬則諫曰臣聞李斯之相秦也行申商之法重刑名之家杜私門張公室棄無用之費捐不急之

官惜日愛功亟戰疾耕既庶而富遂屠諸侯此救弊之術也故曰刻薄可施於進趨變詐可陳於攻戰天下已平故可易之以寬簡潤之以淳和秦乃不然淫虐滋甚卒至王崩此不知變之禍也陸賈叔孫通事漢祖當榮陽成臯間種餉窮智勇困未嘗敢開一說效一奇惟進憂積貪暴之人及區宇適定乃陳詩書說禮樂開王道此知變之善也向若高帝斥二子置詩書則複道爭功拔劍擊柱晷漏不保何十二帝二百年乎故曰仁義者聖人之蘊廬上未於反莊子仁義先正之蘊廬止可一禮者先王之陳迹祠祀舉歸狗捐淳精流糟粕兼仁義尚爾况其輕乎國家自文明以來天地卓昧內則流言外則構難故不設鉤距上古侯反漢趙廣漢無以順人不切刑罰無以息暴於是置神器開告端故能不出房閨而天下晏然易主矣臣聞急趨者無善迹促柱者無和聲拯溺不規行療飢不麋食即向時秘策今之芻狗也願鑒秦漢之失考時事之宜下寬大之令流曠蕩之澤去萋斐之角牙頓奸險之芒及塞羅織之妄源掃朋黨之險迹曠然使天下更始豈不樂哉后善其言○遺正諫大夫兼修國史乃請高史官選以求名才侍中韋安石嘗閱其稿史歎曰董狐何以加左宣二年孔子曰董狐古之良史也世人不知史官權重宰相但能制生人史官兼制生死古之聖君賢臣所以畏懼也○時賦斂繁重民多蕩析后數召入禁中訪得失進平章事○張易之構魏元忠張說欲誅之無敢言者敬則獨奏曰元忠說秉心忠一而平生無名殺之夫天下望乃得不死敬則後為再祖雍誣奏與王同皎善貶涪州刺史既明其非罪改廬州代還無淮南一物所奏止一馬子曹步從以歸卒年七十五○敬則與三從昆弟居四十年貲產無異及執政每以用人為先細務不省也領表變叛以裴懷古有文武才用為桂州都督變服其威惠相率降薦魏知古為舍人張惠敬為右史皆稱職○始在暹仲長統論封建指秦為失敬則以為秦漢世禮義陵遲不可復用周制封諸侯著論明之儒者以為知言睿宗嗣位嘗曰神龍以來宗忠於本朝者季多祚王同皎章月將燕欽融並復復矣尚

有遺者耶劉崇求曰朱敬則忠正義烈天下所推往為再祖雍等所誣論於是追贈秘書○兄仁軌字德容隱居養親嘗誨子弟曰終身讓路不枉百步終身讓畔不失一段有赤烏白鵲棲所居樹接察使趙承恩表其異及卒員半千魏知古共謚為孝友先生

贊曰武后乘唐中夏操生殺柄劫制天下而攘神器仁傑蒙恥誓忠以權大謀引張柬之等卒復唐室功蓋一時人不及知故唐呂溫頌之曰取日虞淵洗光咸池潛投五龍夾之以飛世以為名言方高宗舉天下將以禪后處後固爭不使妻乘夫陰反陽至奸人銜怨仇愆以逞前在智反蓋所謂誼形於主耶敬則一諫而羅織之獄夏時而後言者歟

論曰宋璟排張易之于朝蘇良嗣批薛懷義頰舌公凌武懿宗吾見其剛矣然無益於存唐仁傑逡巡諷議言隨涕出謂厲聲色以折凶淫徒勞人耳寧若以理感之但太子復位則人心自固雖百張薛莫為哉方茲時太宗德澤在人心以危難各驗其所養虎狼噬逆攘臂直前者多矣至知大體考事實考惟梁公一人耳武后有英材者也徐敬業既謀召李臣屬責皆汗下不敢仰視謂文法吏疑礙不快人意思得一奇士任使苟非英材孰能然哉其喜亂好殺正自覺其非特憤勢活迷不得不爾然其長慮却顧之計亦審矣何則當時犯顏忤旨者不塗肝腦於酷吏之手則反懸懸於無人之鄉至仁傑則屢死屢赦屢逐屢留蓋后意承嗣三思輩皆兒子不可付之不道之篡業已亡則扶持李氏者聞起而珍之決矣不若還太子與唐家尚可撥善名於後世此所以回伎心而忻然於仁傑也等為女禍殆與司農凡婦執迷不知變意為人所道醜者異矣

王緝

王緝字方慶以字顯武后時累遷廣州都督南海有崑崙船過市外區環瑠瑠音味方慶至秋毫無所

索始部中首領皆委方慶約官屬不得與交通犯者論以法境內清畏議者謂治廣未有如方慶者就
第一詔賜瑞錦雜綵以著善政○遷侍郎同平章事方慶嘗以令暴及大功患未莖不聽朝賀未除帛線
享宴比羣臣不遵用頓首教誼不可長有詔申責內外患之○后嘗就求義之書方慶奏十世從祖義之
書四十餘卷太宗求之先臣悉上送今所存惟一軸從祖獻之等凡二十八人書共十篇后偏示群臣史
崔融序其代號寶章章集○后欲季冬講武有時不時拜遂用明年孟春方慶曰按月令孟冬天子命將
帥講武習射御角力孟春不可以稱兵兵金也金勝木方春木王而舉金以害威德逆生氣孟春行冬令
則水潦為敗雲霜大擊首種不入此乃三時務農一時講武安不忘危之道願陛下不違時令手制覆允
○是歲直拜左庶子兼侍太子讀書方慶奏人臣於天子未有片太子名者今東方殿名多嫌觸請一改
之制可長安二年卒諡曰貞○方慶博學練朝章著書二百餘卷尤精三種學者有兩咨質酬復淵藉故
門人次為雜禮各問家聚書多不減秘府○六世孫搏字昭逸擢進士第昭宗時拜右僕射封魯國公初
中官權盛帝欲剪抑之自石門還政一決宰相羣官不平構藩鎮內脅天子搏曰人君務平心大體御萬
物偏聽產亂古所戒也今奄人盜威福偏制君上道路人皆知之方朝廷多難未可卒除當徐以計去之
贊曰李德裕者書稱方慶為相內子為眉州司士參軍武后曰君在相位何子之遠對曰履歷是陛下
愛子今尚在遠臣之子庸敢相近以此倉唐悟文侯事王忠文侯侯子擊而立新擊臣趙會唐
造大開於文侯思利以權大要賊德乃慶計上
嗟乎君子哉雖遠次不忘悟君於善及建言不片太子名以動羣臣示中興之漸所謂人難言者於
方慶難乎哉德裕之稱為不與矣

韋思謙

韋思謙名仁約鄆州人八歲喪母以孝聞及進士累累調應城令負殿丁不得進官尚書高季輔曰

子始得此人豈以小疵棄大德耶。擢監察御史常曰御史出使不能搖動山岳震懼州縣為不任職中書令褚遂良市地不知直也諫勅之及復相出思諫清水令或弔之答曰吾捐直觸機輒發暇恤身乎大夫當敢言地要須張目明賸以報天子焉能碌碌保妻子耶○皇甫公義引為倉曹參軍謂曰公非池中物屈公為教司容以重吾府改侍御史高宗賢之每召與語雖甚倦徒倚軒檻猶數刺罷疑欲劇事多與參裁○累遷右司郎中尚書左丞振明網轄朝廷肅然○進御史大夫性褻誇顏色莊重不可犯見王公夫嘗屈禮或以為議谷曰臣曰官固當特立鵬鷺鷹鸞豈求禽之偶奈何屈以押之○復為右肅政大夫故事大夫與御史鈞禮恩律獨不答曰班列固有差奈何尚姑息耶後致仕卒承慶嗣立

章承慶

承慶字延休性謹畏事親母至孝擢進士第遷思議郎諫議中書詔太子監國太子稍嗜聲色興土木乃上疏極陳其端又進論善惡太子頗嘉納○承慶嘗謂人所以撥濁浮疎本之於心乃者靈臺賦謙揣當世亦自廣其志掌天宮道屬文敏無留思雖大詔令未嘗者曩○明堂災上疏諫以文明垂拱後執政者未滿歲率以罪去夫構大厦濟巨川必擇文梓棟榱上大夫謂天新殿也下謂七代若亟毀而敗則是庇朽木乘膠船也上音調臣謂陛下求賢之意切而取人之怒寬故一言有合而付大任夫堯舜舜猶必試諸難况庸庸者可超處輔相以百揆萬機昇小人哉書聞不報○轉天官侍郎修國史凡三掌選銓授平允議者公之時議單赦令咸推承慶召使為之無挽色諛辭援筆而就取歎其壯卒謚曰溫

韋嗣立

嗣立字延構與承慶異母少友第母遇承慶感其善然承慶不來代母不聽輒自極母感寤為均愛世比晉王覽嘗進士承慶解恩謝舍人武后召嗣立謂曰爾父嘗稱二子忠且孝堪事朕比兄弟稱職如而父言

今使卿兄弟自相代即拜鳳閣舍人○時學政廢剗濫及善人乃上書極陳永淳後唐唐德散曾子真缺儒學之官輕章句之選弛責問後生以僥倖升寒族平流以督業去垂拱間仕入彌多公行私謁還補道濫經術不聞極暴相夸陛下誠下明詔追三館生徒教王公以下子弟一入太學尊尚師傅務勸勉然後審再銓總各程所能以之臨人則官無曠民樂業矣又曰揚豫以來大穡屢興王公士人乘運頭戴飛道路措措咸知其非而鍛煉已成不可翻動願陛下廓天地之施普雷雨之仁皆原洗刷天下瞻然如向所陷罪非陛下意也○長安中拜鳳閣侍郎同平章事麟州縣非其人后以為憂李嶠唐休璟休璟曰朝廷重內官輕外職每除收守皆訴不行非過累不得進請遣臺閣賢者分典大州自近臣始后曰誰為朕行嗣立曰內典機要非臣所堪請先行以示群臣后悅以本官檢校汴州刺史由是楊再思等十八人悉補外○景龍中中宗拜刑部尚書同中書門下三品時紫飾觀寺用度百出又恩倖食邑者取嗣立建言令廉帑耗竭地則反無一歲之儲伏見營立寺觀鴻侈繁麗大抵費常千萬以上轉徙木石廢功害農陛下豈不是思又食封之家日月猥取臣觀國初食封不過三十家今橫恩持賜家至百四十以上又封家徵求侵漁百姓怨歎或貨易誅責曾無少息下民寧之何以堪命臣願以丁課一送太府封家指在咸仰給禁止自微以息重困臣聞設官建吏本於治人而務事之也明官得其人則天下治古者取士先鄉曲之舉然後辟於州州已試然後辟五府五府者關乃升諸朝得不謂所擇悉而所歷深乎今之取人未試而遽遷務進徵倖比肩或踵故文者治官則回邪賦汙武者治軍則庸懦怯弱國家大事豈其於此刺史縣令治人之首比年不加簡擇京官坐貲及群構下者乃異州吏部年高不善刀筆者乃擬縣朝輕用人何以治國願下有司精加火擇凡諸曹侍郎兩省二臺及五品以上清望官當先選用刺史縣令所冀守宰稱職以興太平帝不聽開元中中卒諡曰孝○初嗣立代承慶為鳳閣舍人承慶亦代為天官侍郎及

知政事父子並為宰相世罕其比

韋濟 副立子

濟開元初宗元調鄆城令或言吏部選縣令非其人既舉謝有詔問所以安人者對凡二百人惟濟居第一遷戶部侍郎為太原尹著先德詩四章世服其典魏天寶中宗元授尚書左丞凡三世居之濟文雅頗能修飾政事所至有治稱

韋弘景 副立孫

弘景擢進士第累遷吏部侍郎銓綜平序者幸憚且屢不敢惠以私○拜尚書左丞駁正吏銓所除六十餘官不當進資郎吏肅然望風修整楊虞卿以累下吏詔弘景詳繳虞卿私造門弘景厲言曰有詔按公尚私謁耶惶恐去還禮部尚書卒○弘景以直道進議論持正有守當時風教所倚賴為長慶名卿

陸元方

陸元方字希仲蘇州人舉八科皆中累轉監察御史或后時使領外方涉海風濤驚壯舟人懼元方曰吾受命不私神豈宜我趣使濟而風訖息○擢天官侍郎或言其薦引皆親黨后怒免官令白衣領職元方薦人如初后召責之對曰舉臣所知不暇問讎黨又薦其友龐玄嘯有宰相才后知無他復拜玄嘯待郎同平章事后嘗問外事對曰臣備位宰相大事當自奉民屬碎務不敢以聞忤旨下除太子右庶子卒○元方素清慎再執政母進退群臣后必先訪問外姦莫知歸終取奏稿焚之曰吾陰德在人後當有興者又曰吾當壽但領選久耗傷吾神諸子皆美才而象先景儻景融知名

陸象先

象先器識沈遠舉制科高第時吉頊與元方同為吏部侍郎頊讓象先為洛陽尉元方不肯當頊曰為官

擇人豈以吏部子廢至公耶○景雲中唐進同平章事初太平公主謀引崔暹為宰相暹曰家先人望宜幹樞近若不者浸敢辭主為主之正知政事然其性恬靜寡欲議論高簡為時推尚暹曰陸公如於人一等公主既擅權召宰相議立甯王象先不可主怒更與竇懷貞等謀卒誅死時象先與蕭至忠等坐為主所進將同謀玄宗遽召免之曰歲寒然後知松柏之凋凋也以保護功封究國公○為益州長史政尚仁恕韋抱真諫曰公當峻扑野以示威不然民慢且無畏各曰政在治之而已必刑法以樹威乎卒不從而蜀化嘗曰天下本無事庸人擾之為煩第澄其源何憂不簡耶故而至民吏懷之卒諡曰文貞始象先名景初睿宗曰子能紹先構是謂東賢者乃賜名馬○弟景倩為扶溝丞河南按察使舉構覆州縣殿最欲必得實有吏言狀曰某強清某詐清惟景倩曰真清終監察御史○景融美姿實寬中而厚外博學工筆札以陰補新鄭令政有風績景融於象先後母弟也象先被召景融諫不入則自楚母為搢威人多其友元方從父餘慶

陸餘慶

餘慶已冠名未顯兄玄表嗜曰昔子夜爾名宦不立奈何餘慶閉戶讀書三年以博學稱舉制策甲科遷鳳閣舍人久之封廣平郡公太子右庶子餘慶於寒品晚進必悉力薦籍人有過輒面折退無一言終太子詹事諡曰壯○雅善陳子昂等號方外十友餘慶才不逮子昂等而風流敏辯過之○武后時酷吏用事中宗朝倖臣貴主斜封大行蹈利啣禍之人與相就沒雖重責驟用而戮不及踵餘慶以直自將雖仕不赫赫訖無悔尤

王及善

王及善洛州人父君愕有沉謀從太宗征遼死于陣及善以父死事舉刑國公神功元年契丹擾山東擢

魏州刺史武后諫曰逆虜益邊公雖病可與妻子行為朕卧治為屏蔽也因延問朝政得失及善陳治亂
所宜后悅曰禦寇末也輔政本也公不可行留拜內史○來俊臣繫獄當死后欲釋不誅及善曰俊臣凶
狡不道汙累善良天下疾之不剗絕元惡且操亂貽禍憂未既也后納之○及善不其文而清正自料臨
事不可奪有大臣節後改文昌左相卒

李日知

李日知鄭州人及進士第天授中則歷司刑丞時法令嚴吏多為酷日知獨子寬無文致嘗免一囚死少
卿胡元禮執不可曰吾不去曹囚無生理日知曰僕不去曹囚無死法皆以狀獄而武后用日知
議○景龍初中知政事初安樂公主館第成中宗臨幸燕從官賦詩日知卒章獨以規誠睿宗也日謂曰
爾時雖朕亦不敢諫非公直提何能爾拜侍中○先天元年罷為刑部尚書屢乞骸骨許之日知將有請
不謀於家歸乃治行囊警曰產利空空何辭之遂日知曰任至此已過吾分人亦何厭之有既罷不治田
園唯飾臺池引賓客與嬉樂開元中卒

杜景佺

杜景佺冀州人性嚴正舉明經中第累遷殿中侍御史出為益州錄事參軍時房嗣業從益州司馬詔未
下欲即視事先詰責吏以示威景佺謂曰公雖受命為司馬州未受命何急數日祿耶公持咫尺制真偽
莫辨即欲攬亂一府叱左右罷去既乃除荊州司馬更歌之曰錄事意與天通州司馬折威風由是知名
○入為司刑丞與徐有功來俊臣侯思止專治詔獄時遇徐杜者生來侯者死○延載初同平章事后嘗
季秋出黎華示宰相以為祥取賀曰陛下德被草木故秋再華則家仁及行善之比景佺獨曰陰陽不相
奪倫漬即為災今草木黃落而本復華漬陰陽也竊恐陛下布德施令有所虧吝臣位宰相助天治物治

而不和臣之咎也頓首請罪后曰真宰相從出為并州長史卒

李懷遠

李懷遠字廣德邢州人少孤嗜學宗人欲藉以高陰懷遠辭退曰因人之勢高士恥之假陰而官吾志耶
擢四科第累遷為平章事為趙郡公懷遠久資蓋素約不治居室嘗以款段馬豆虛飲嘗謂曰公貴顯固
當然耶答曰吾幸其刷不願他駿卒蓋曰成子景伯

李景伯

景伯景龍中為諫議大夫中宗宴侍臣酒酣命為迴波詞或以詔言媚上或要西諺龍至景伯獨為箴規
語以諷帝帝不悅蕭至忠曰真諫官也○景雲中詔有建言置都督府非是詔羣臣皆議景伯與盧備議
今天下諸州分隸都督專生殺刑賞使授非其人則權重侍生非強幹弱枝經邦軌物之誼願罷都督留
御史以時檢察秩卑任重以制奸宄由是停都督

裴炎

裴炎字季龍絳州人寬厚寡言莫有奇節補弘文生休浣它生或出遊炎讀書不廢服勤十年尤通左氏
春秋舉明經及第高宗時拜侍中受詔輔中宗○中宗欲以后父韋玄貞為侍中炎固執不從帝怒曰我
意讓國與玄貞豈不可何惜侍中耶炎因與武后謀廢帝為廢廢王更立豫王為皇帝后已持政稱自肆
豫王雖為帝未嘗省天下事炎謀乘后出遊龍門以兵執之遷政天子會久雨后不出後欲業兵與后議
討之炎曰今若復子明辟賊不討而解崔峗曰聞亂不討乃請歸政此必有異國后乃捕炎下獄胡元範
曰炎社稷臣有功於國悉心事上天下所知臣明其不及后曰朕知炎反遂斬於都亭驛梟其家無僮石
之廩○初炎見裴行儉破吳殿有功沮薄之乃斬降虜五十餘人議者恨其媚克且使國家失信四夷以

為陰禍有知云

劉禕之

劉禕之禕字希夷常州人父子異在隋為著作郎峭直有行當面折僚友短退無餘此等事百樂曰子冀晉人人都不憾貞觀初召之辭以母老詔許終養奉襲舉嘉其孝表所居為孝慈里禕之少以文辭稱遠弘文館學士上元中高宗密與徐決時政以分宰相權時請北門學士儀鳳中稱吐蕃寇邊帝訪侍臣而以置之計之之宜人人異謀禕之獨勸帝嚴威紆百姓之急帝納其言○拜相王府司馬帝謂曰卿家忠孝朕子賴以師矩冀逢生麻不扶而挺也后既立王為帝是時詔令蓋繁禮之恩致華敬哉可占授少選可待也○武后時房先敏坐累貶訴於相府褻味道謂曰太后旨禕之曰乃上從有司所奏云后聞以味道歸非於上取晉州加禕之大中大夫后因曰君為元首臣為股肱以手足移於腹背尚為一體乎禕之引咎於己忠臣也王德真推順曰載至德無異才惟能歸善於君為時所服后曰善○後私語賈大應曰后能廢昏立明盍反政以安天下大應表其言后怒垂拱中以拒制賜死於家初禕之得罪唐宗申理之禕之曰太后成福由己而帝營救速吾禍也臨誅神色自若捉筆得數紙詞懇哀到人皆傷之

郭翰

郭翰嘗為御史巡察隴右多所按劾次甯州時狄仁傑為刺史民爭言有異政就翰館以筆紙置於膝謂僚屬曰入其境其政可知願薦使君美於朝毋久留即命携去性寬簡讓老子至和其光同其塵慨然曰大雅君子以保其身乃辭憲

魏玄同

魏玄同字和初定州人進士擢第遷吏部侍郎永淳初竊上疏言選舉法弊曰方今人不如官官盜賊未衰

禮讓受者下吏不稱職庶官非其才取人之道有所未盡也武德貞觀庶事草創人物園乏天祥大聖
享國永年異人間出諸色入流歲以千計官有常員人無定限選集衆至十不收一取舍清養高以前
制度多關至尉煥然可觀諸侯之臣不皆命於天子王朝庶官不專一職穆王以伯冏為太僕正命曰慎
簡乃僚此乃自擇下吏之言也太僕正特中大夫耳尚以僚屬委之則三公九卿亦當然也故太宰內史
並掌爵祿廢置司徒司馬別掌興賢詔事是分任羣司而統以數職漢制諸侯自置吏四百石以下其傳
相大臣則漢為置之州郡祿吏督郵從事悉任之牧守自魏晉以後始歸吏部而迄於今以刀筆輩才薄
書察行法與世弊其來久矣尺天之量鍾庾之器非所及則不能度非所受則無以容况天下之大士類
之眾可委數人乎乎又尸厥任者闕非其選至為人擇官為身擇利下筆擊親疏措情觀款要悠悠風塵
此馬奔競使百行折之一面九能斷之數言不亦難乎且臣聞莅官者不可以無學今貴戚子弟一皆早
仕程較既淺技能亦薄而門閥有素資望自高夫所謂胥子者必蕪諸學少則受業長而入官然後移家
闕事謂之德進夫少仕則不務學輕試則無才又勳官三衛流外之屬不待州縣之舉直取書判日書法三
精法道者四曰判取文理能也
以下諸始書判並科謂之入等非先德後言之誼臣聞國之用人如人用財貧者亡糟糠富者餘梁肉故
當夏鑿之法則磨象朽鈍以馭之太平多士則簡選聖復而使之今選者衆多宜以簡鍊為急切見制書
三品至九品並得薦士此誠仄席旁求也但衰賤不明故上不憂黜陟下不盡搜揚真慎所舉而苟以應
命且惟賢知賢聖人篤論臬陶既舉不仁者遠身苟濫進庸及知人不擇賢者之舉而責所舉之濫不可
得已以陛下聖明國家德業而不建經久之策但願望晉魏遺風臣竊惑之願少遵周漢之規以分吏部
即所用詳研矣鮮矣不納○進賢臺侍郎同鳳閣鸞臺三品左同與裴夫婦交能保終始故號耐久明後
為周興所誣言玄同言后老矣當復皇嗣后不察賜死

互註諸復古辟署之法選舉

李昭德

李昭德父乾祐貞觀初為殿中侍御史部令裴仁軌私投門卒太宗欲斬之乾祐曰法令與天下共之非陛下獨有也仁軌以輕罪致極刑非盡一之制帝意解由是免死○遷侍御史母卒廬舍側負土成墳帝遣使就弔表異其間乾祐雖直而跪小人嘗為吏所賣生流驪州昭德強幹有父風擢明經如意元年拜鳳閣侍郎同平章事○王慶之幸險佞數百人請以武承嗣為皇太子昭德皆裁慶之因奏曰以親親言之天皇陛下夫也皇嗣陛下子也當傳之子孫為萬世計后乃止承嗣恨譖短之后曰吾任昭德而獲安稅是代我勞菲而所知也○時又俊臣侯思止舞文法數誅陪大臣昭德奏其誣罔不道狀卒榜殺思止其黨稍推沮然昭德頗怙權為取指目長擢上疏曰陛下自長壽以來則厭息細政擢委昭德參總權綱而才小任重負氣強復舊章下民窮徇列聲威會天下杜口臣伏見南臺數自羣臣奏請陛下制已曰可而昭德建言不可制又從之臣觀其勝乃大於身鼻息所衝上拂雲漢夫小家治生有千百之費將以託人尚思夫投况天下之重可輕委寄乎后由是惡之來俊臣譖以謀逆既而俊臣亦下獄同日謀成庶莫不寬昭德而快俊臣

吉頊

吉頊洛州人性陰刻敢言事舉進士及第又強敏故后倚為心腹聖歷中則進天官侍郎易之○兄弟以寵感恩自全問頊計安出頊曰公家以倖進非有大功於天下勢必危吾有策非止保身且世世不絕曰天下思唐久矣廢陵斥外相王幽閉公盍從客請相王廢陵以副人望易弔為質之資也易之如頊教后意乃定既而知頊與謀召見問狀頊對廢陵相王書生下先帝顧託於陛下以之有所付乃還中宗明

年項坐弟官信官財使始豐尉卒

論曰鎮遠腹置委裘天下北面而不辭孟曰正而已矣負英明之安一曰攬神器而稱之君焉天下重子皆欲亡之何則不正故也夫中宗雖不賢吾君之子也無顯惡實惡中外未有厭敦之意持以一言之疾粟災連廢之其後政歸武氏矣方致忠欲以存唐議者謂夫時闇于幾本非有邪心者大夫曾不得與叛逆者盡其信尚何言且匹夫交友之際苟一語誤猶為之隱忍徐觀異隙豈有皇唐高祖太宗之裔天人尤屬不幸一失辭持王下殿如轉恭妻履嗚呼炎獨何心故以武后猶悍足以駕馭設當時廢帝後值一姚嬭女子深居房閨不曉權變如兩漢諸后則史弄國切位之謀將不可測矣且區區抑武后追尊祖考而待之復辟乃途窮欲善耳非夫本心也

贊曰異乎夫之暗于幾也知中宗之不君不知武后之盜朝假虎翼而責其搏人死固宜哉昭德吉項進不以道君子駭之雖然一情區區抑武興唐其助有端則賢義遠矣禪之玄同滿言及誅不夫所以事君者云

張廷珪

張廷珪河南人慷慨有志尚第進士累遷監察御史按察平直○武后稅天下浮屠錢營佛寺作大像廷珪諫以為傾四海之財殫萬民之力窮山之木為塔極治之金為象無補有為之法不足高也今天下虛竭蒼生彫弊謂宜先邊境實府廩養人力后善之因是罷役○會命詔市河南牛羊以贖軍資廷珪上書曰君所恃在民民所恃在食食資在耕耕資在牛牛廢則耕廢耕廢則食去食去則民亡民亡則何恃為君后乃止○玄宗開元中大旱關中餓詔求直言廷珪上疏曰古有多難興國殷憂移聖蓋事危則志銳情苦則慮深故能轉禍為福也陛下神武況掃氛垢日月所燭無所濡澤而陰陽愆候九穀失稔天

意殆以陛下春秋鼎盛不崇朝有大功擊虜而不法思秦漢以自高故昭見咎異歛日慎一日永保太和是皇天賤顧深步陛下得不承若休旨而寅畏哉誠願約心刺志登瑞士放佞人於患悞獨薄儀賦去淫巧捐珠璧或謂天威不足畏而上帝滿怒風雨迷錯荒饑日甚則無以濟下矣或謂人窮不足恤而德兆播離愁苦辱墊則無以奉上矣斯安危所繫禍福之原奈何不察今受命伊始華夷百姓清耳以聽刮目以視冀有聞見何遽孤其望哉○監察御史將挺生法詔決杖朝堂廷珪執奏御史有譴當殺之不可辱也士大夫服其知體○王瑒持節巡天兵諸軍方還復詔行塞下議者方謂將襲回紇廷珪陳五不可且言中國步多騎少盛夏長驅勞遠相絕其勢不敵一也出軍掩敵兵不數萬不可以行廢農廣饋二也千里遠襲其誰不知賊有斥候必能豫防三也狄人獸居曠漠之石田克而無補四也天下無年當養人息兵五也又請復十道按察使巡視州縣帝納之因詔陸象先等分使十道時遣使齎錦至后闕市大馬廷珪曰大馬非土性不畜珍禽奇獸不育於國不宜勞遠人致異物願省無益之故敕必然之急天下之幸在官有威化入為少府監卒謚貞穆○廷珪美姿儀善八分書與李邕友善及邕贈於仕屨未為之人尚其方會

互註開元初奏曰陛下英斷聖明四海心服所謂英斷珍凶逆正朝廷是也所謂聖明辨忠邪信實罰是也周利貞傳

韋湊

韋湊字彥宗京兆人叔祖諱貞觀本為庫府郎中與弟吏部郎中叔諱兄主爵郎中季武同省時號三列宿○永淳初湊為相王府屬時姚崇兼府長史嘗曰韋子識遠文詳吾恨晚得之○景雲初一作金仙等觀湊諫以為農月令功趨末務本恐天下有受其饑者不聽湊執爭崔湜曰公敢是耶湊曰食厚祿死

不敢願况聖世必無死乎朝廷為濫費萬計○詔復孝敬皇帝廟號義宗濬諫歷代稱宗者皆方制海內
德澤可尊列於昭穆是謂不毀孝敬皇帝未嘗南面而且別立寢廟無稱宗之義逆罷遷太原尹卒子見素
章見素

見素字會微質性仁厚及進士第累遷文部侍郎平判皆誦於口銓叙平允常有可求輒下意聽納人多
德之玄宗苦雨潦謂宰相非其人詔楊國忠審擇大臣時吉溫得幸帝欲用之溫為安祿山所厚國忠懼
其進沮止之竇華宋昱以見素安雅易制國忠入白帝遂拜同平章事明年祿山表請蓋將三十二人代
漢將見素謂國忠曰難將作矣知禍之芽不能防見禍之形不能制焉用彼相明日懇論之帝不入其語
未幾祿山反從帝入蜀兼左相○肅宗立與房瑄崔湊宣揚制命帝曰今帝立命朕如釋負矣煩卿等善
輔導之○肅宗以見素嘗附國忠禮遇獨減是歲十月丙申有星犯昴見素言於帝曰昴者胡也祿山將
死矣昴金忌火行當火位昴之昏中乃其時也明年正月甲寅祿山其殪乎及祿山死日月皆驗○明年
罷知政事初行在所承喪亂後兵吏三銓簿領場散選部文符偽濫見素奏宜明條綱以為持久詔至蜀
郡奉迎太上皇上元中致仕詔朝朔望嘗應元年卒諡忠貞子諤

贊曰楊立國本與祿山爭寵故捕吉溫以激其亂陰儲蜀費待天子之出則已與韋見素流涕弟祿山
反狀將信所言以久其權見素能言祿山反不能言所以反是佐國忠敗王室也玄宗不悟仍相之卒
為後帝所薄然猶完其要領幸矣謂見素為前如果非也

韋諤

諤原京兆府司錄參軍國忠之死軍聚不解陳玄禮請殺貴妃以安眾帝意猶豫諤曰臣聞以計勝色
者昌以色勝計者亡今宗廟震驚陛下奪神器奪尊卑惟割恩以安社稷因叩頭流血帝寤賜妃死軍乃

大悅

韋顛

顛字周仁，諱弟益之子。通陰陽象緯，知山川風俗，議論典據，以門調補千牛備身。裴均、韋貴之季，終在郡。蕭俊皆布衣舊，繼為宰相，朝廷典章多所背違，嘗曰：「吾儕五人，智不及一韋公。」敬宗立，為吏部侍郎。卒。○所著《易》、《解》、《推演》終始，有深誼。既喜接士，後出，莫不造門。然節儉，自居天下，推其尚，云：「叔謙子知人，知人子維繩。」

韋維

維字文紀，進士對策高第，擢武功主簿，督役，乾陵會歲饑，均力勸功人，不知勞，從內江令，教民耕桑，縣為刻頌。○遷戶部郎中，善裁制，時員外宋之問善詩，故時稱戶部二妙。○繩長文辭，撫養孤幼，無異情。大寶初，門為秘書少監，玄宗尚文，視其職，如尚書丞郎，總判是國簡，以善職稱。

韋虛心

虛心字無逸，維子，舉孝廉，神龍中，中遷大理丞，按大獄，實像真，剽幽求，有所輕舉，虛心據正，不撓，為工部尚書。卒。○虛舟，唐洪魏二州刺史，有治名，初維為郎，時柳于庭，及虛心兄弟居郎，首對之，輒飲，谷自叔謙後，至郎中者，數人世號郎官家。

韓思復

韓思復字紹，出京兆人，少孤，年十歲，母為語，父亡，狀感咽，與鄉黨學，舉秀才，高第，永淳中，中家無食，歲饑，杜瑾以百綾餉思復，思復方并日食，而綾完，封不發，調梁府倉曹參軍，會大旱，輒開倉賑，民州勅責對曰：「窮則澁，不如因而活之，無趣為盜賊，州不能誦，轉汴州司戶，仁恕不行鞭笞。○開元初，為諫議大夫，山

東大蝗宰相姚崇遣使分道捕逐思復上書天災流行庸可盡瘞望陛下悔過責躬省不急之務任至公之人持此誠實以答譴咎其驅蝗使一切宜罷玄宗然之○思復性恬澹不喜為繩察累遷吏部侍郎復為襄州刺史治行名天下代還卒謚曰文天子親題其碑曰有唐忠孝韓長山之墓○初鄭仁傑李無為者隱居太白山思復少從二人游嘗曰子識清純古恨仕不及宰相也子朝宗

韓朝宗

朝宗初歷左拾遺睿宗詔作乞寒胡感諫曰昔辛有過伊川見被髮而祭知其必戎今乞寒胡非古不法無乃為狄帝稱善特賜中上考○帝傳位太子朝宗諫曰太子雖睿聖宜且養成聖德帝不聽○開元二十二年初開十道採訪使朝廷以襄州刺史兼山南東道襄州南楚故城有昭王井傳言汲者死行人雖渴因不敢視朝宗移書論神自是飲者無忘人更號韓公井

宋務光

宋務光字子昂汾州人舉進士及第調洛陽尉神龍初神宗大水詔九品以上官直言極諫務光上書曰后王樂聞過而不與拒諫而不亂樂聞過則下情通下情通則政無缺此所以興也拒諫則群議壅群議壅則上孤立此所以亂也臣嘗觀天人相與之際有感必應其間甚密是以教失於此變生於彼竊見自夏以來水氣勃及洛水暴漲漂擲百姓傳曰簡宗廟廢祠祀則水不濁下自陛下御極郊廟山川不時薦見又水者陰類臣妾之道氣感則水泉溢願深思天變杜絕其萌勸思法宮疑就大化以萬方為念不以聲色為娛以百姓為憂不以犬馬為樂臣聞三五之君不能免溢亢願備禦存乎人耳夫寒變應天實繫人事今霖雨即閉坊門豈一坊一市能感發天道哉必不然矣故里人呼坊門為宰相謂能節宣風雨天工人代乃為虛設又數年以來公私乏竭戶口減耗家無接新之儲國乏俵荒之蓄焉因斯俟人窮斯詐起

宗立罷斜封官千餘人俄詔復之方營金仙玉真觀替百上疏曰臣聞古之用度不時爵賞不當國破家亡者口說不若身逢耳聞不若目見臣請以有唐治道得失陛下所及見者言之太宗陛下之祖撥亂立極得至治之體首官清吏舉天下職司無虛授用天下財帛無枉費賞必待功官必得才為無不成任無不服不多寺觀而福祿至不度僧尼而咎殃滅陰陽不愆五穀遂成粟腐帛爛萬里貢賦百寶歸款享國長久多歷年所陛下何憚而不法之中宗陛下之兄居先帝之業忽先帝之化不聽賢臣之言而悅子女之意虛食祿者數千人妄食土者百餘戶造寺盡財數百億度人免租庸數十萬是故國家所出日加所入日減倉之半歲之儲庫無一時之帛而惡者逐逐必忠良所定者富貴皆虛謬取譏為代詒笑四夷陛下所見也若法太宗治國泰山之安可致也法中宗治國累卵之危亦可致也疏奏帝不能用然嘉切直○稍遷右臺殿中侍御史雍令劉少微恃權貪賊替否按之岑義屢以為請替否曰我為憲司懼替以縱罪謂王法何少微坐死累遷顯王府長史卒

李渤

李渤字濬之幼志於學與仲凡涉僭廢廬山久之更徙少室元和初憲宗年其輩况交章薦之詔以右拾遺召於是河南少尹杜兼遣吏持詔幣即山敦促渤上書謝昔屠羊說有言位三旌謀萬鍾知貴於屠羊然不可使吾君兵施彼賤賈也猶能忘己愛君臣雖欲益榮以濟所欲得無愧屠羊乎不拜輒僉遺書曰有詔河南敦喻拾遺公朝廷士引頸東望若景星鳳宮始見爭先觀之為快方今天子仁聖小大之事皆出宰臣樂善言如不得聞自即大位凡所施者無不得宜勤儉之聲寬大之政幽閨婦女草野小子飽聞而厭道之茲非太平之運歟又有非人力而至者乎殺屢惡符眼委至千紀之姦不戰而拘繫疆界之凶銷樂能深迎風而委伏四海而環拱一夫乎而兵者若此時也拾遺公不疾起與天下士樂成而享之斯無

介非通反物上疏曰今日入閣陛下不時見群臣群臣皆布路跋倚夫跋倚形諸外則憂思結諸內憂係
既積矣慶必生禮三諫不聽則逃之陛下新即位臣至三諫恐危及社稷○又言左右常侍職規諷備默
 不事若設官不責實不如罷之○俄充理匭使建言事大者以聞次白宰相下以移有司可不當許再
 納恩妄訴者所坐一革以絕冒越詔可○時政移近律紀律蕩然渤動正不顧患通章封無聞日天子雖
 幼昏亦感悟○太和中宋卒○渤孤操自將不苟合於世人咸謂之活激屢以言斥而倖直不少良神
 守節者尚之取

裴海反力

裴海本河東聞喜人篤學善隸書以陰仕元和初裴累遷左補闕兩河用兵憲宗任官人為館驛使檢籍
 出納宰相李吉甫奏罷之會伐蔡復以中人領使濟諫曰凡驛有官專尸之畿內以京兆尹道有觀察使
 刺史相監臨臺又御史為之使以察通關猶有不職則宜明科條督責之誰不惕懼若復以宮闈臣領之
 則內人而及外事職分亂矣夫事不善誠於初體有非不必大方開太平潑本正末宜塞侵官之源出位
 之漸帝雖不用而嘉其忠○擢起居舍人柳泌為帝治丹劑求長年帝仰劑中藥病渴濟諫曰夫除天下
 之害者常受天下之利共天下之樂者常饗天下之福故上自堯舜禹湯文武咸以功濟生人天皆報以
 壽壽無孽無疆陛下以孝安宗廟以仁牧黎庶復張太平膏禮賢優待以終始神功聖德前古所不及天
 地宗廟必相以億萬之永久乃泌等以丹術自神更相勸引以謀權賄偽窮情得不恥過亡豈可信厥術
 御其藥哉臣聞人食味別聲被色而生者也味以行氣氣以養志水火鹽梅以烹魚肉宰夫和之齊之以
 味君子食之以平其心夫三牲五穀稟五行以生也發為五味天地生之所以奉人聖人節調以致康強
 若乃藥劑者所以禦疾豈常進之餌哉禮君之藥臣先嘗之父之藥子先嘗之臣子一也願以所治劑俾

其人服之竟一歲以考真偽則無不驗矣帝怒賦江陵令穆宗立必等誅召海再選刑部郎中卒諡曰敬
○溝以道自任悉心事上疾黨附不為權倖所持持下便反謂後當衰古今辭章繆梁昭明太子文選自
號太和通選上之當時文士非與遊者皆不取世恨其隘憲宗帝以樂棄天下世益謂溝知言穆宗雖誅
必而後稍復感方士布衣張皋者上疏曰神慮濇則血氣和嗜欲勝則疾疹作古之聖賢願養不以外物
撓耳目聲色敗情性緣是和平自臻穆慶高宗時孫思邈達於養生其言曰人無故不應解藥藥有所偏
助則穢氣為不平推此論之可謂達見至理夫寒暑為賊節宜乘度有資於醫尚當重慎先帝晚節善方
士累致厄疾陛下不可蹈前覆迎後悔也帝善其言

李中敏

李中敏字藏之系出隴西元和中擢進士第性剛峭與杜牧李甘善其文辭氣節大抵相上下拜侍御史
鄭注極遂宰相宋申錫天下以目大和六年大旱文宗內憂詔詢所以致兩者中敏上言昔東海誤殺一
孝婦大旱三年臣頃為御史臺推囚華封儒殺良家子三人陛下敕封儒死然三人者亦陛下赤子也神
策士李秀殺平民法當死以禁衛刑止流宋申錫位宰相其道動正義人忌之陷不測之辜銜恨而沒天
下士皆指目鄭注天之降災殆有由然漢武帝國用空竭桑弘羊與楚權之利然卜式請烹以數兩死申
錫之枉天下知之可惜斬一注以快忠臣之魂則天且兩矣帝不省出為理屈使建言上書者將納於匱
有司先審其副有不可報卻之臣謂應出禁中暮而入為天下開必達之路廣聰明直枉結若有司先裁
可否惡事不重密非窮塞得自申意請一裁諸上詔可聞成未卒

李甘

李甘字和巖長慶末進士舉賢良方正異等累擢侍御史鄭注侍講禁中求宰相朝廷諱言將用之

甘顯倡曰宰相代天治物者當先德望後文藝注何人欲得宰相白麻出我必壞之王崇曰貞觀中詔欺麻多喜並用黃龍元和初凡欺書行封拜相命將並用白麻不用印即而麻出乃以趙儻為鄜坊節度使甘坐輕肆殿封州司馬而李訓內亦忌注縣是注不卒相甘終于貶

贊曰夫以下摩上士所甚惡然取名最多故上失德則與下爭名而復有誅夷斥寇事然或依古肆言高而難從以邀主賈固者逆之似傷道行之不切時此言常事弊也若廷珪數子優游彌縫皆中時病非所謂賈道自榮者也如張廷珪監營佛相中來監營金仙華觀自思復置遠羅姓從宋務元謂或三思不宜任機要幸替石罷無復科封官之微至勅爭晏朝滿諫方士廿斤鄭注不可作宰相排亂救危不得不爾賢哉

武平一

武平一名甄以字行文學通春秋工文辭景龍二年中兼修文館直學士○初崔日用自言明左氏春秋諸侯官族他日學士大集日用折平一曰君文章固耐久若言經則最續矣時崔退筆素知平一故習勸令酬答平一乃請所疑日用曰魯三桓鄭七穆余何答曰慶父叔牙季友桓三子也孟孫至蕤凡九世叔孫舒季孫肥凡八世鄭穆公十一子子汰及二子子孔三族亡子羽不為卿故稱七穆子宰子駒子良子國子游子卬子豈也平一問日用曰公言齊桓公楚莊王時諸侯屬齊若楚凡幾平公靈王時諸侯屬晉楚凡幾晉六卿齊楚執政者幾何日用曰吾不知君能知乎平一條舉始末無留語日用曰吾請北面圍坐大笑○後宴兩儀殿酒酣胡人唱合生歌言淺穢平一上書諫曰樂天之和禮地之序禮配地樂應天故音動於心聲形於物因心哀樂感物應變察正則風化正樂邪則政教邪先生所以遠廢興也伏見胡樂號曰合生昔齊襄有行伴侶陳滅有玉樹後庭花趨數驚併皆亡國之音凡胡樂備四夷外一皆罷道不納玄宗立聚金壇令平一見龍中宗時雖宴豫嘗以詩頌規諫然不能卓然自引去故被誦既諫

而名不哀關元末在孫元衡儒術

先生唐書詩節卷八終

五